

夏小正箋

夏小正戴氏傳附校錄

夏小正考注

夏小正傳



叢書集成

初編

主編者

商務印書館發行

叢書集成初編

夏小正箋及其他三種

中華民國二十六年十二月初版

發行人

長沙南正路
五

製朱

印刷所

商務印書館
長沙南正路

發行所

商務印書館
各埠

（本書校對者 鮑嘉祥 潘同會）



夏 小 正 箋

戴 德 傳
李 調 元 注

夏小正箋

本館據函海本排
印初編各叢書僅
有此本

夏小正箋序

夏小正者。所謂夏之時也。而曰小正。何也。言政令之小者也。本大戴禮之一篇。隋書經籍志。始於大戴禮外別出夏小正一卷。註云戴德撰。宋傳崧卿序。謂隋重賞以求逸書。進書者多離拆篇目以邀賞。故別出於理或然。考吳陸璣草木鳥獸蟲魚疏。引大戴禮夏小正傳。言大戴禮舊本但有夏小正之文。而無其傳。戴德爲之作傳。遂自爲一卷。後盧辨作註。始採其傳入經文下。隋所謂戴德撰者。乃傳也。當誤傳作撰。其以傳別於經者。寔自崧卿始。其爲一卷。亦猶之小爾雅乃孔叢子之一篇。因李軌之註。遂別爲一卷也。夏小正或云子夏作。雖未必然。然文句簡奧。寔三代之書。自傳崧卿撰戴氏傳四卷外。近又有徐世傳之解。黃叔琳之註。諸錦之詁。雖博稽廣註。苦多穿鑿。未愜於心。且多舛訛脫漏。如經傳有合爲一行者。有經大書而傳小書者。亦無定本。因得永樂副本。經文抬頭。而傳空一字。俱大書。此可遵也。因去其繁蕪。約爲之箋。以通其義。夫古人之書。殘篇斷簡。詰曲聱牙。其不盡可箋也明矣。若必一一而強爲之注。不至於鑿不止。此聖人之所以甚重乎史闕文也。予之所以爲箋也。正所以正諸家之鑿也。彼夫徐氏之以爽死爲爽鳩。以五日爲夏五。黃氏之以丹白鳥之爲螢火。納卵蒜以爲兩物。諸氏之以短震斷兩句。孚粥之斷爲祝鷄。通則通矣。其如鑿何。故曰。予之所以爲箋也。所以正諸家之鑿也。西蜀李調元童山撰。

夏小正箋卷一

漢戴德傳 蜀童山李調元註

正月。

正月孟春之月也。月令日在營室昏參中旦尾中營室在亥姬訾之次也。

啓蟄言始發蟄也。

蟄藏也靜也言藏伏靜處也啓發也月令孟春蟄蟲始振始者一歲之始也蟄讀作執見郭象註莊

鴈北鄉先言鴈而後言鄉者何也見鴈而後數其鄉也鄉者何也鄉其居也鴈以北方爲居何以謂之

生且長焉耳九月遷鴻鴈先言遷而後言鴻鴈何也見遷而後數之則鴻鴈也何不謂南鄉也曰非其居

也故不謂南鄉鴻鴈之遷也而一作不記其鄉何也曰鴻不必當小正之遷者也

月令季冬鴈北鄉此于孟春何也冬去而春來時也大曰鴻小曰鴈月令孟春之月鴻鴈來鴈夜宿鴻

內鴈外更相驚避又名陽鳥書禹貢陽鳥攸居所謂居也生且長言生于斯長于斯也遷去也北來則

曰鄉南去則曰遷不記其鄉謂經文九月遷鴻鴈無鄉之文以文相比而得其義也鄉向同遷特計反

長數並上聲

雉震响响也者鳴也震也者鼓其翼也一本作震也者鳴也响也者鼓其翼也正月必雷雷不必聞惟雉爲必聞何以謂之

雷則雉震响相識以雷。按正月必雷下。一本多雷則雉震响五字。

雉一名翬野鷄也。易震爲雷。月令仲春雷乃發聲。今于孟春者言雷未發而雉先震响也。陰陽相薄以生萬物其聲甚者爲震。震戰也。言所擊破如戰也。响與雉同。雄雉鳴也。雷始動雉鳴而雉其頸从句者句亦聲也。又見月令識知也。

魚陟負冰。陟升也。負冰云者言解蟄也。

月令魚上冰。負背也。言背冰而上也。陟言升登也。陟音植。

農緯厥耒。緯束也。束其耒云爾。用是見君之亦有耒也。

月令孟春天子親載耒耜束之爲言親載也。君亦有耒卽耕耜之耒也。緯羽鬼切。

初歲祭耒始用暢。一作暢也。其曰初歲云者暢也。暢也者終歲之用祭也。言是月之始用之也。初者始也。

一本始用暢作經文。今從永樂大典本。

或曰祭韭也。此句疑在下文圃有見韭下錯簡。

祭耒者將有事于田疇故祭之也。暢與暢同。長也。言通暢也。田不生者用力以治之也。或曰祭韭謂祭用韭也。暢丑亮切。

圃有見韭。圃也者園之燕者也。

韭種而能久之菜也。其美在黃春始見也。內則春用韭有藩曰園有墻曰圃。燕言居息之處也。

時有俊風。俊者大也。大風南風也。何大於南風也。曰合冰必於南風。解凍必於南風。生必於南風。收必於南風。故大之也。

合冰。冰凍也。解冰。冰解也。月令東風解凍是也。其東南風謂之俊風者。卽尙書大傳時有俊風是也。南風止則冰合。故曰生。南風起則冰解。故曰收。大之。喜之詞。非南風始名大也。

寒日滌凍塗。滌也者。變也。變而煖也。凍塗也者。凍下而澤上多也。

澤釋古通用。

滌言煖風也。塗泥也。傳言澤上多。卽詩其耕釋釋之釋。言凍在下而釋於上者爲多也。

田鼠出。田鼠者。噉鼠也。記時也。

田鼠生于田間。害稼之鼠也。寓鼠曰噉。噉之云者。頰裏貯食處也。噉戶監反。

農率均田。率者循也。均田者始除田也。言農夫急除田也。

均平也。言相率平田也。

獺獻魚。獺祭魚。其必與之獻何也。曰非其類也。祭也者得多也。善其祭而後食之。十月豺祭獸謂之祭。

獺祭魚謂之獻何也。豺祭其類。獺祭非其類。故謂之獻。大之也。

獺如小狗。水居食魚。魚鱗屬獺。獸屬。故云非其類。獻享也。善亦多也。

鷹則爲鳩。鷹也者。其殺之時也。鳩也者。非其殺之時也。善變而之仁也。故其言之也曰則。盡其辭也。鳩爲鷹變而之仁也。故不盡其辭也。

鷹鷺鳥以膺擊故曰鷹王制鳩化爲鷹秋時也故言殺之時月令鷹化爲鳩在二月此正月時也故言非其殺之時生育氣盛鷹感之而化不曰化而曰爲者反歸舊形也春乃生氣之始所謂毋用牝毋覆巢毋殺孩蟲胎夭飛鳥時也故曰仁傳謂小正凡言則者皆盡其辭也

農及雪澤

古通釋

言雪澤之無高下也

管子所謂正月令農始作服于公田農耕及雪釋是也言雪皆釋而高下皆可耕也

初服于公田古有公田焉者古者先服公田而後服其田也

傳言私田所謂雨我公田遂及我私也

采芸爲廟采也

芸草似目宿一名芸蒿似邪蒿而香可供宗廟故采之也其香又可去蚤蝨辟書蠹

鞠則見鞠者何也星名也鞠則見者歲再見云爾鞠當作味爾雅味謂之柳詩召南鄭康成箋囑在東方正月時也囑與味同

初昏參中蓋記時也

昏日冥也凡日入三刻爲昏不盡三刻爲明一云日入後二刻半爲昏又云日入虞淵爲黃昏日入蒙谷爲定昏昏時參星在南方之中

斗柄縣在下言斗柄者所以著參之中也

斗柄。北斗杓也。第一至四爲魁。第五至七爲杓。合爲斗。初昏時。斗柄指參。故云參之中。
柳稊。稊也者。發孚也。孚。李。

柳小楊也。一物二種。楊枝硬而揚起。故謂之楊。柳枝弱而垂流。故謂之柳。稊亦作莢。木之更生者。孚。甲也。孟春。其日甲乙。萬物皆解孚。自抽軋而出。先于柳見之。故曰發孚。

梅杏。地桃則華。地桃。山桃也。

月令。仲春。桃始華。此于孟春節氣有早晚故也。地一作施。爾雅。施。榎樹。似白楊。而古今字書有地而無施。亦無有訓。山桃者。白櫟也。詩。析薪地矣。是也。山桃。爾雅。旄冬。桃。櫟。山桃是也。自是二種。訓地桃爲山桃者。意卽櫟山桃也。櫟同地。音移。櫟音思。

緹縞。縞也者。莎隨也。緹也者。其實也。先言緹而後言縞。何也。緹先見者也。何以謂之小正。以著名也。此按二句。儀禮經傳通解。置篇首夏小正之下。另爲一行。但爾雅疏亦連引此文。蓋何以謂之句應斷。言小正書法以緹著而先見。故名緹縞也。

縞與藹通。藹候也。一名候莎。俗名香附子。卽博雅所謂毛莎藹也。故曰莎隨。隨與藹通。緹。糞種土色也。其色線。周禮地官草人。糞種赤緹是也。或云緹草名。未詳。

鷄桴粥。粥也者。相粥之時也。或曰。桴。偃伏也。粥。養也。按桴與李通。相粥之時也。舊本作相粥。粥。呼也。粥與祝通。

傳言桴爲偃伏者。謂煦姁覆育也。鷄育雛必偃而伏。以母其子也。粥粥。鷄聲。亦作彌彌。偃伏則卵發孳也。伏。扶幼反。

以上正月較月令少以立春天氣下降地氣上騰天地和同草木萌動二月。

仲春之月也月令日在奎昏弧中旦建星中奎宿在戌降婁之次也。

往耰黍禪。禪單也。

耰獲種也。黍禾屬而粘者以大暑而種故謂之黍。禪言單者單盡也。言往耰種黍之田而盡其力也。或云往耰黍之時始服單袷未詳。

初俊羔助厥母粥。俊也者大也。粥也者養也。言大羔能食草木而不食於母也。羊蓋非其子而後養之善養而記之也。或曰夏有暑而祭祭者用羔是時不足喜樂善羔之爲生也而記之與。〔按〕舊本牛羊腹時

也。暑一作煮。牛一作羔。

羊子謂之羔。俊言羔始大也。木木萌也。言羔食其母稍長大而後食草木以助之也。子猶字也。非其字言不爲母所字而後繼以養之故善之也。不足喜樂言羔甫生尙小不足以祭不足喜也。與之爲言猶也。言牛羊皆能自育其子也。月令仲春天子乃鮮羔開冰謂獻羔以祭司寒之神疑卽暑祭也。

綏多女士。綏安也。冠子取婦之時也。按禮疏引傳作冠子取妻時也。

綏卽月令養幼少存諸孤也。存亦安也。冠去聲。

丁亥萬用入學。丁亥者吉日也。萬也者干戚舞也。入學也者大學也。謂今時大舍采也。〔按〕匡謬正俗云古之經史采桑相

通

丁亥謂上句之丁也。萬舞兼羽籥干戚省文也。月令上丁命樂正習舞釋菜入學習樂也。舍采與釋菜古通用。

祭鮪。祭不必記。記鮪何也。鮪之至有時。美物也。鮪者魚之先至者也。而其至有時。謹記其時。

周禮獻人春獻王鮪。月令季春薦鮪于寢廟。此于仲春言祭鮪者。先祭鮪而後獻廟也。鮪一名鮠。似鱸而青黑。頭小而尖。似鐵兜口在頷下。甲可摩薑。大者曰王鮪。小者曰叔鮪。

榮菹采蘋。菹菜也。蘋由胡。由胡者。蘋母也。蘋旁勃也。皆豆實也。故記之。

菹。萱屬。生水濱。俗名苔菜。旱芹也。蘋。白蒿也。似細艾。三月采。俗呼蓬蒿。由胡見爾雅。北海謂之旁勃。博雅。蘋母旁勃也。皆白蒿別名。豆實者言皆可充籩豆之實也。

昆蟲抵蜺。昆者衆也。由魂魄也。魂魄也者動也。小蟲動也。其先言動而後言蟲者何也。萬物至是動動而後著。抵猶推也。蜺。蜺卵也。爲祭醢也。取之則必推之。推之不必取。故言推而不言取。由魂魄一本作田螺誤

魂。魂猶沘沘也。言猶沘沘行不休也。由與猶通。蜺蟻同。周禮醢人掌四豆之實。有蜺醢。推之爲言進也。來降燕乃睇。疑脫室字燕乙也。降者下也。言來者何也。莫能見其始出也。故曰來降。言乃睇何也。睇者眄

也。眄者視可爲室者也。百鳥皆曰巢突穴。又謂之室何也。操泥而就家入人內也。突一作窠。操一作慘。燕言乙者。象鳥舉首也。从乙。不從乙。後人加鳥作𪚩。元鳥也。月令是月也。元鳥至。南楚謂𪚩曰睇。操泥

卽御泥也。

剝鰈。〔按〕卽鰈字。

以爲鼓也。

鰈一作蛇皮。可爲鼓。剝者取其皮而裂之也。

有鳴倉庚。倉庚者商庚也。倉庚者長股也。

倉庚黃鸝也。亦作鷺黃。見月令註。商庚見爾雅。長股以其股之長也。

榮芸。無傳。

前已言芸矣。此復言芸者。前言芸之初生。此言芸之華生也。

時有見稊始收。有見稊而後始收。是小正序也。小正之序時也。皆若是也。稊者所爲豆實。

稊楊之秀也。黃收爲豆實。

以上二月。較月令少始雨水。桃始華。日夜分。又雷乃發聲。始電。蟄蟲咸動。啓戶始出。先見正月。

三月。

季春之月也。月令。日在胃。昏七星中。旦牽牛中。胃宿在西。大梁之次也。

參則伏。伏者非亡之辭也。星無時而不見。或有不見之時。故曰伏云。

孟春云。昏參中。此云參則伏者。前星已過。故伏而不見也。

攝桑。攝而記之急桑也。一本攝上衍桑字。

攝伐也。月令：命野虞伐桑柘是也。急桑言莫亟于桑。

萎楊。○萎一作委。

楊則華而後記之。

萎柔弱貌。楊將華時其條柔弱也。一云委落也。非傳意。

羴羊。羊有相遠之時其類羴羴然。記變爾。或曰羴羴也。

羴之爲言圍也。謂其環聚也。還古通環。羴羴羊相逐貌。牡羊三歲曰羴。或說殆非也。

穀則鳴。穀天螻也。

天螻螻蛄也。一曰螻。

頒冰。頒冰也者分冰以授大夫也。

此非分冰時而言頒者先言分後言頒以授大夫所謂伐冰之家也。

采識。識草也。

識當作識。爾雅作識。卽苦參也。葉似槐花黃色結角如蘿蔔子二三粘如小豆味苦除伏熱。說文闕識。

後人加草也。

妾子始蠶。先妾而後子何也。曰事有漸也。言事自卑者始。

妾子皆統于妻。妾子始蠶其妻可知。月令：后妃齋戒親東鄉躬桑。今不言妻而先言妾子故言自卑者

始。

執養宮事。執操也。養長也。

宮事卽蠶事也。今謂養蠶是也。執養宮事卽祭義夫人纁三盆手。遂布于三宮夫人世婦之吉者。使纁之事也。

祈麥實。麥者五穀之先見者。故急祈而記之也。一本麥者作麥實。

月令乃爲麥祈實。孟夏爲麥秋。故此云先見。詩所謂貽我來牟。帝命率育也。

越有小旱。越于也。記是時恆有小旱。

越聿同語詞。田家五行有三月聽蛙聲。占水旱之諺。

田鼠化爲鴽。鴽鴽也。變而之善。故盡其辭也。鴽爲鼠。變而之不善。故不盡其辭也。

月令同。鴽鴽也。十二支辰。子水位。鼠屬。午伏乃鶉火之次。豈可移易。蓋三月大辰候。當出火。故田鼠至建辰月化爲鴽。八月辰伏。九月當納火。而鴽于建酉月爲鼠者。辰巳伏也。子與午陰陽之極。神交爲變化如此。可類推也。鴽善類。鼠不善類也。八月曰鴽爲鼠。不言化。故曰不盡其辭。

拂桐芭。拂也者。拂也。桐芭之時也。或曰言桐芭始生。貌拂拂然也。

芭華也。月令桐始華。或訓芭爲茅。未詳。

鳴鳩。言始相命也。先鳴而後鳩。何也。鳩者鳴而後知其鳩也。

命。鳴也。相命。言相呼也。鳩能自呼其名。

以上三月較月令少虹始見萍始生戴勝降于桑

四月

孟夏之月也月令日在畢昏翼中旦婺女中畢宿在申實沈之次也

昂則見無傳

昂七星天之耳也白虎之中星也昂之爲言留也言物成就繫留也

初昏南門正南門者星也歲再見壹正蓋大正所取法也

月令昏翼中翼南方宿名也卽所謂南門也言天子當陽所取法也十月但云南門見不言正也

鳴札札者寧縣也鳴而後知之故先鳴而後札縣懸同

札爾雅作蛰似蟬而小有文寒蟬也大者爲馬蜚寧縣爾雅注引作虎縣

囿有見杏囿者山之燕者也

禮祭法夏祠用杏小正韭則園杏則山也

鳴蜮〔按〕卽蜮字蜮也者或也屈造之屬也

蜮當作蝮□文从國卽蝦蟆別名非射工之蜮也月令蜺蜺鳴是也蜮一作蝮屈或作蜺蜺蜺木中蟲也屬之云者言皆其類蜮爲射工故以或說存之

王賁秀按秀舊本作秀下並同

王荳。卽王瓜草莖也。王瓜色赤。感火之色而生也。月令。王瓜生。今月令云。王荳秀。荳應从刀貝。音故。不從力負。音倍。莠秀通用。

取茶。茶也者。以爲君薦蔣也。

荼。苦菜也。月令。苦菜秀。感火之味而成也。是月其味苦故也。一名游冬。葉似苦苣而細。斷之白汁。花黃似菊。周禮。地官掌荼。言將以爲君薦也。蔣當作將。或云蔣蓋負茲之類。未詳。

秀幽。〔按〕卽秀萋。

幽當作萋。謂之幽者。幽陰之義也。四月陽氣極于上。而微陰已胎于下。萋感之而早秀。豳風。四月秀萋。是也。爾雅釋草。萋繞棘菟。註。今遠志也。

越有大旱。記時爾。

大旱對小旱言之。羣芳譜。言四月十六日立一丈竿。量月影。月當中時。影過竿。夏旱人饑。長九尺八尺七尺六尺。主雨水。五尺主夏旱。又談苑。江南民于四月一日至四日。卜一歲之豐凶。云一日雨。百草枯。言旱也。二日雨。傍山居。言避水也。三日雨。騎木驢。言踏車取水。亦言旱也。四日雨。餘有餘。言大熟也。小正凡言小旱大旱。所以重農事也。

執陟攻駒。執也者。始執駒也。執駒也者。離之去母也。陟。升也。執而升之君也。攻駒也者。教之服車數舍之也。

周禮所謂校人執駒攻特也。月令三月遊牝于牧。犧牲駒犢。舉書其數。此則四月矣。駒已成矣。故言執駒升之君。離之去母。使之服車也。數入聲。

以上四月較月令少以立夏蚯蚓出。聚畜百藥。靡草死。麥秋至。農乃登麥。

五月。

仲夏之月也。月令日在東井。昏亢中。旦危中。東井在未。鶉首之次也。

參則見。參也者。伐星也。故盡其辭也。

漢天文志。參爲白虎三星。直者爲衡石。下有三星。銳曰罰。謂罰在參間。上小下大。故曰銳。伐與參連體。參爲列宿。統名之若一宿然。參又名實沈。見左傳。

浮游有殷。殷衆也。浮游殷之時也。浮游者。渠略也。朝生而暮死。稱有何有見也。

浮游通作蜉蝣。楊子方言。蜉蝣秦晉之間。謂之渠略。爾雅蜉蝣渠略是也。似蛄蟻。身狹而長。有角。黃黑色。大如指。長三四寸。甲下有翅。能飛。聚生糞土中。朝生暮死。夏日陰雨時。地中出。燒炙噉之。美如蟬。猪好啖之。詩浮游之羽。衣裳楚楚是也。樊光之間。謂之糞中蝸蟲。

鵠則鳴。鵠者。百鷄也。鳴者。相命也。其不幸之時也。是善之。故盡其辭也。

月令。鵠始鳴。鵠鵠也。鵠鵠也。一名鵠鵠。卽百鷄也。今謂之巧婦。又謂之機雀是也。辜。負也。于是載續矣。鳴不負其時也。

時有養日。養長也。一則在本。一則在末。故其記曰有養日云也。〔按〕一本有作時。日作由。

本末言初終也。一則謂或則也。月令鄭注云。辰角見九月。本也。天根見九月。末也。即本末之說也。

乃瓜。乃者。急瓜之辭也。瓜也者。始食瓜也。〔按〕黃本以瓜爲衣。末句作始創衣也。

詩豳風七月食瓜。此月言乃瓜者。蔬菰之屬也。按孟夏天子始絺作衣。近是。

良蜩鳴。良蜩也者。五采具。

蜩。蟬也。良當作娘。爾雅蜩娘蜩是也。豳風五月鳴蜩。五采具言其翅有文采也。

匭之興五日翕。望乃伏。其不言生而稱興。何也。不知其生之時。故曰興。以其興也。故言之興五日翕也。望也者。月之望也。而伏云者。不知其死也。故謂之伏。五日也者。十五日也。翕也者。合也。伏也者。入而不見也。

匭。爾雅作蜺。蟪蛄也。一名蜺。莊子所謂蟪蛄不知春秋是也。合。聚也。

啓灌藍蓼。啓者。別也。陶而疏之也。灌也者。藂生者也。記時也。

藍。染青草也。有三種。蓼。藍染綠。大藍如介。染碧。槐藍如槐。染青。皆可作澱。成勝母。荀子。青出于藍而青于藍。此言藍蓼。即蓼藍也。青乃赤之母。故陶而疏之。月令。令民毋刈藍以染。恐傷時氣也。啓灌。謂開別其藂雜也。

鳩爲鷹。無傳。

傳所謂變而之不仁也。

唐蝸鳴。唐蝸者。匭也。

唐當作蟪。蟪蝸者。似蟬而小也。俗呼爲胡蟬。江南謂之蟪蜺。江東呼爲茅截。傳言匭言蝦之類也。與上匭同名異實。

初昏。大火中。種黍菽糜。〔按〕諸本脫此四字。大火者。心也。心中。種黍菽糜時也。

大火。鶉火辰次之名。心爲大火。故心屬火。黍註見前。菽。大豆也。糜。赤苗穀也。詩維糜維芑是也。心中正中也。糜音門。

煮梅。爲豆實也。

梅似李實。酢者。可以和羹。籩實之乾菰也。

蓄蘭。爲沐浴也。

草之一幹一花而香有餘者。蘭也。蓄以爲蘭湯。沐浴之用也。

菽糜。已在經中。又言之。是何也。時食矩關而記之。〔按〕矩關一作矩閔。或作豆鬻。皆傳寫之訛。

菽糜。以菽作糜也。糜。粥也。煮米糲爲饘也。矩。或解作法。非。矩當爲巨大也。言夏時以菽爲糜。乃所食之。大關。故不復著種黍而祥記菽糜也。

頒馬。分夫婦之駒也。○夫婦一作大夫。

月令遊牝別羣。班馬政是也。季春遊牝于牧。至此妊孕已遂。故不使同羣。所謂分夫婦之駒也。夫婦者。牝牡也。頒與班同。布也。言布散其牝牡之馬也。

將閒諸則。閒與閑通。

或取離駒納之則法也。

月令摯騰駒是也。閒防其騰躍。則止其蹏嚙也。

以上五月較月令少螳螂生。反舌無聲。農乃登黍。羞以含桃。日長至。陰陽爭生死分。鹿角解。半夏生。木堇榮。

六月。

季夏之月也。月令日在柳。昏火中。旦奎中。柳宿在午。鶉火之次也。

初昏斗柄正在上。五月大火中。六月斗柄正在上。用此見斗柄之不正當心也。蓋當依依尾也。一本上依字。下有也。

火。大火。心星也。尾。尾星也。

煮桃。桃也者。杔桃也。杔桃也者。山桃也。煮以爲豆實也。

註見正月。

鷹始摯。始摯而言之何也。諱殺之辭也。故言摯云。一本無故言二字。

月令鷹乃學習。此言始摯。言始學摯也。不言殺而言摯。故曰諱殺。按六月。月令最悉。此月太略。疑有

脫文也。摯鷺通。

以上六月。較月令少溫風始至。蟋蟀居壁。腐草爲螢。土潤溽暑。大雨時行。七月。

孟秋之月也。月令。日在翼。昏建星中。旦畢中。翼宿在巳。鶉首之次也。

秀藿葦。未秀則不爲藿。葦秀然後爲藿。葦故先言秀。藿當作葦。

是月涼風至。白露降矣。萑葦也。葦葭也。鹵風。八月萑葦。此在七月。言始生。故曰秀。

狸子肇肆。肇始也。肆遂也。言其始遂也。或曰肆殺也。〔按〕或曰一本作其。或曰狸一作裡。

狸似貓。狐類。莊子。卑身而伏。以候敖者。狸音離。

湟潦生苹。湟下處也。有湟而後有潦。有潦而後有苹。草也。

湟潦。積水也。苹。水草。蘋蕭也。葉青白色。莖似箸。今蘋蒿也。湟音黃。潦。勞去聲。

爽死。爽也者。猶疏也。

爽當作蕘。草也。疏與蔬通。言草似蔬也。

莽。莽莽。永樂大典作莽。莽也者。馬帚也。

莽草似蓍。俗謂蓍莽。旱草也。可爲掃帚。莽音餅。

漢案戶。漢也者。天漢也。案戶也者。直戶也。言正南北也。漢一作河。

天漢言天河也。箕斗之間漢津也。直戶言天漢當戶如橫案然。

寒蟬鳴。寒蟬也者。蜩蟪也。蟬一本作螳。

蜩蟪小蟬。一名蜩螗。自關而東謂之蜩螗。或謂之蜩螗。蜩大兮反。螗當作螗。

初昏織女正東鄉。無傳。

織女三星。天女也。

時有霖雨。無傳。

久雨謂之淫。久淫謂之霖。凡雨自三日以往爲霖。

灌荼。灌。藂也。荼。藂葦之秀。爲蔣。褚之也。藂未秀爲蒹。葦未秀爲蘆。

荼。萑苕也。一云野菅。一云茅秀。萑葦卽蒹葭也。萑初生爲蒹。長大爲蘆。成則爲萑。藂聚生也。蔣疑作蔣。

褚。著也。猶今絮也。言將著絮也。

斗柄縣在下則旦。無傳。

旦。明也。斗柄縣在下則天明。日至於曲阿北。是謂旦明。

以上七月。較月令少涼風至。白露降。鷹乃祭鳥。用始行戮。以立秋。農乃登穀。

八月。

仲秋之月也。月令日在角。昏牽牛中。旦觜觿中。角在辰。壽星之次也。觜音茲。觿音攜。

剝瓜。剝瓜也者。畜瓜之時也。

剝削也。七月食瓜之後。又畜瓜爲明年種也。

元校。玄也者。黑也。校也者。若綠色然。婦人未嫁者衣也。姜兆錫儀禮內外編讀經文連下作元校剝句。棗栗零句。

校當作絞。蒼黃色。玉藻。絞衣以裼之。按校本字見禮記祭統。夫人薦豆執校。謂豆中央直者爲校。傳言

校爲衣。未詳。

剝棗。剝也者。取也。

剝擊也。詩八月剝棗是也。

栗零。零也者。降也。零而後取之。故不言剝也。

栗可充籩實。零零落也。

丹鳥羞白鳥。丹鳥也者。謂丹良也。白鳥也者。謂蚊蚋也。其謂之鳥者何也。重其養者也。有翼者爲鳥。羞

也者。進也。不進食也。蚊一本作閩。

丹良蟲名。疑卽蠶也。蠶黃甲蟲。列子。蚊瞽生於腐蠶。

辰則伏。辰也者。謂心也。伏也者。入而不見也。

辰者。大火也。爲心星。伐爲參星也。

鹿人從。鹿人從者。從羣也。鹿之養也。離羣而善之。離而生。非所知時也。故記從不記離。君子之居幽也。

不言。或曰：人從也者，大者於外，小者於內，率之也。

鹿善聚善散，鹿人從者，鹿若人之相從也。善之，善走也。大者處外，小者處內，俱指鹿言。鹿于小時必相離，乃得生。此時長成矣，如人之相從矣，故記之。不記離者，如人之幽處亦無可記也，故云君子之居幽也不言。

鴛爲鼠。無傳。

註見前。

參中則旦。無傳。

言天明正參中時也。

九月。以上八月，較月令少。盲風至，鴻鴈至，元鳥歸羣，鳥養羞，日夜分，雷始收聲，蟄蟲壞戶。

季秋之月也。月令：日在房，昏虛中，旦柳中，房在卯，大火之次也。

內火，內火也者，大火。〔按〕此下一有也字。大火也者，心也。

大火，鶉火辰次之名也。內者，言向內也。詩：九月流火，是也。

遷鴻鴈，遷往也。

註見正月。

主夫出火。主夫也者。主以時縱火也。

案傅崧卿云。夫當作火。以備寒也。主火。主薪炭之人也。宜納而出何也。于是不出也。

陟元鳥蟄。陟。升也。元鳥也者。燕也。先言陟而後言蟄。何也。陟而後蟄也。或云經文蟄字當連下能罷貉貉爲句。

月令。仲秋元鳥歸。此于季秋則歸而蟄矣。

能罷貉貉。鼯則穴。按能罷一作熊罷。鼯。鼯也。一作鼯。今從爾雅文改。鼯。音斯。鼯。音袖。穴也者。言蟄也。

月令所謂蟄蟲咸俯在內。皆瑾其戶也。能古熊字。罷熊屬貉。似熊如大驢。能食鐵。色蒼白。貉似狸。銳頭

尖鼻。蒼色。鼯鼠狼也。江東曰黃鼠狼。鼯似鼯。赤黃色。大尾。啖鼠也。一名地猴。

榮鞠樹麥。鞠。草也。鞠榮而樹麥。時之急也。

鞠與菊通。鞠榮者。菊華榮也。月令鞠有黃華。樹麥者。種麥也。月令仲秋乃勸種麥。

王始裘。王始裘者。何也。衣裘之時也。

周禮。季秋獻功裘是也。月令。天子始裘。在十月。

辰繫于日。無傳。

辰。日月所交會之地。止言繫于日者。日在房所。謂房在卯。大火之次也。

雀入于海爲蛤。蓋有矣。非常入也。

飛物化爲潛物也。雀與爵通。月令。爵入大水爲蛤是也。不言水而言海。以水之大者言也。黃雀秋化爲

蛤。春復爲黃雀。五百年爲蜃蛤。見述異記。

以上九月。較月令少豺乃祭獸戮禽霜始降。上丁命樂正入學習樂。草木黃落。乃伐薪爲炭。

十月。

孟冬之月也。月令日在尾。昏危中。旦七星中。尾在寅。析木之次也。七星見季春。

豺祭獸。善其祭而食之也。〔按〕而下有後字。

豺狼屬。長尾。白頰。色黃。身瘦。俗呼瘦豺。月令季秋之月。豺乃祭獸。此言孟冬月者。秋冬之交也。

初昏南門見。南門者。星名也。及此再見矣。

詳見四月。此月南門朝見于東南隅。言昏見。疑文有誤。

黑鳥浴。黑鳥者何也。鳥也。浴也者。飛乍高乍下也。烏慈鳥也。能反哺。謂之孝鳥。又一種脰下白者爲雅。

又一種大喙白脰者爲鬼雀。不詳鳥也。鳥多羣飛。一起一伏。如浴于水然。故謂之浴。一云沐浴于大化。亦通。

時有養夜。養者。長也。若日之長也。

養夜。言夜之長與日之長等也。見五月。

元雉入于淮爲蜃。蜃者。蒲盧也。

亦飛物化爲潛物也。言元雉應元冥也。大蛤曰蜃。月令雉入于水爲蜃。按古語謂隨變而成者曰蒲盧。

不專指蜂也。一名蒲盧。水蟲名。

織女正北鄉則旦。無傳

孟秋言昏東鄉。此孟冬則旦。時正北鄉矣。

以上十月。較月令少水始冰。地始凍。虹藏不見。以立冬天氣上騰。地氣下降。天地不通。閉塞而成冬。天子始裘。

十有一月。

仲冬之月也。月令。日在斗。昏東辟中。早軫中。斗在丑。星紀之次也。

王狩。王狩者。言王之時田也。獵爲狩。

詳見周禮大司馬。月令。季秋。天子乃厲飾執工。挾矢以獵。乃秋獵也。此于仲冬。故曰冬獵。大閱時也。

陳筋革。陳筋革者。省兵甲也。

筋革所以包兵甲。

嗇人不從。不從者弗行。

嗇當作穡。農夫也。言大閱之時。農夫不從狩。所以休息也。

於時月也。萬物不通。八字應爲經文。各本誤作小註。

月令。天地不通。閉塞而成冬是也。是月曰暢月。言諸蟄皆充暢于內。若大房然。發天地之房。則諸蟄必

死。

隕麋角。隕墜也。日冬至。陽氣至。始動諸向生。皆蒙蒙符矣。故麋角隕。記時焉爾。

月令。麋角解。隕亦解也。麋鹿屬。冬至解其角。符會合也。言衆生皆與陽氣會合也。

以上十一月。較月令少冰始壯。地始坼。鷦旦不鳴。虎始交。芸始生。荔挺出。水泉動。日短至。十有二月。

季冬之月也。月令。日在婺女。昏婁中。旦氐中。

鳴弋。弋也者。禽也。先言鳴而後言弋者。何也。鳴而後知其弋也。

弋。鳶也。古通用。或作弋弓也。謂角弓鳴。恐鰌。

元駒賁。元駒也者。蠃也。賁者。何也。走于地中也。

元駒。蟻別名也。蠃。蟻通。賁。債通。義同奔。

納卵蒜。卵蒜也者。本如卵也。納者。何也。納之君也。

蒜。葷菜也。大蒜爲葫。小蒜爲卵。或作蒜。訓蘇。同。謂草木疏貌。與傳義不合。且于卵字格礙。

虞人入梁。虞人。官也。梁者。主設罟罟者也。

月令。命漁師始漁是也。罟。古罔字。罟罟。結繩爲之。所以取魚。

隕麋角。蓋陽氣且睹也。故記之也。

已見仲冬。此疑衍文。傳應別有註也。或云向始動。今明見。故兩記之。亦通。
以上十二月。較月令少鵲始巢。雉雊鷄乳。征鳥厲疾。冰方盛。木澤腹堅。命取冰。命有司大難。日窮于
次。月窮于紀。星回于天。數將幾終。歲且更始。



夏小正戴氏傳

附校錄

傅崧卿注

夏小正戴氏傳

本館據士禮居叢
書本排印初編各
叢書僅有此本

夏小正戴氏傳序

山陰 傅崧卿

崧卿少時讀禮記。著孔子得夏時於杞。鄭氏注曰。夏四時之書也。其存者有小正。而鄭注月令引小正者。八。如注孟春。東風解凍。蟄蟲始振。魚上冰云。夏小正。正月啓蟄。魚涉負冰。注田事既飭。先定準直。農乃不惑云。夏小正。農率均田。注仲春上丁。命樂正昌舞釋菜云。夏小正曰。丁亥。萬用入學。注季春。后妃齋戒。親東鄉躬桑。禁婦女毋觀。省婦使以勸蠶事云。夏小正。妾子始蠶。執養宮事。注孟夏王瓜生云。夏小正曰。王葛秀。注仲夏令民毋艾藍以染云。夏小正曰。五月啓灌藍蓼。注季夏鷹乃學習云。夏小正。六月鷹始雝。注仲秋羣鳥養羞云。夏小正曰。九月丹鳥羞白鳥。說曰丹鳥也者。謂丹良也。白鳥也者。謂閭蚋也。甚謂之鳥者。重其養者也。有翼爲鳥。養也者。不盡食也。凡引夏小正以注月令者八。辭大氏約嚴。不類秦漢以來文章。信其爲有夏氏之遺書。願欲睹其全。未之得。政和中聞外兄關渢藏書。始得而讀之。星昏旦伏。見中正當鄉。若寒暑日風冰雪雨旱之節。草木稊莠之候。羽毛鱗羸蠕動之屬。蟄興粥伏。鄉還陟降。離隕鳴响之應。罔不具紀。而王政民事繫焉。蓋夏之月令也。志時之有是物。往往以見言之。豈謂據人所見者。辭固當爾耶。關本合傳爲一卷。而不著作傳人名氏。按漢唐藝文志不載。惟隋志有其目。曰夏小正一卷。戴德撰。疑渢所藏卽此書。後讀孔穎達禮記正義。其疏月令注曰。夏小正大戴禮之篇名也。因求集賢所藏大戴禮版本。參校信然。漢唐志旣錄戴氏禮矣。此書宜不別見。抑不知取戴禮爲此書。自何代始。意者隋重賞以求逸書。進書者務多以徵賞帛。故離析篇目而爲此乎。有司受之。旣不加辨。而作志者亦不復考。且小正夏書。德所撰傳爾。而隋志云然。可謂疏矣。德。西漢梁人。與聖俱受禮后蒼號大戴。嘗爲信都太傅。而集賢大

戴禮其前乃云漢九江太守戴德撰以儒林傳考之爲九江太守者聖也書藏集賢蓋久率無有正其訛謬者使世亡漢史而大戴禮獨傳後人渠復有知德爲信都太傅者歟繇是知前代書因陋承訛流傳及今不可復辨者蓋多矣豈特是書也哉關本戴禮皆以夏小正文錯諸傳中渾渾之書難以漢儒文辭醇駁弗類且所訓疑有失本指者乃倣左氏春秋列正文其前而附以傳月爲一篇凡十有二篇釐爲四卷名曰夏小正戴氏傳關本簡編失倫悉以大戴禮是正兩書互有得失或字衍脫不同則擇其善者從之仍注其下而闕其可疑者大戴禮無注釋關本注釋二十三處懼與今注相揉則云舊注別之來者宜詳焉

宣和辛丑九月一日序

夏小正戴氏傳卷第一

春

正月啓蟄鴈北鄉雉震响

關本脫响字

魚陟負冰農緯厥耒初歲祭耒始用暢

關本作暢舊注音誤按暢訓達作暢爲是 囿有

見韭時有俊風寒日滌凍塗田鼠出農率均田獺獸祭魚

戴禮作獺祭魚以傳考之當作獺獸祭魚

鷹則爲鳩農及雪澤初服

于公田未芸鞠則見初昏參中柳梯梅杏棗桃則華

關本地作棗非是棗音移木名也

緹縞雞桴粥

粥舊注音育

傳正月啓蟄言始發蟄也鴈北鄉先言鴈而後言鄉者何也見鴈而後數其鄉也鄉者何也鄉其居也鴈

以北方爲居何以謂之居

戴孔何以謂之爲居 生且長焉爾九月遷鴻鴈

遷音遞按唐韻迢遞去也遷也

先言遷而後言鴻鴈也

舊注而一作如

見遷而後數之則鴻鴈也

圓東數作如今以上文正其誤與大戴合

何不謂之南鄉也

戴禮何不謂南鄉

曰非其居也故不謂之

南鄉

大戴無之字

記鴻鴈之遷而

舊注一作如

不記其何鄉也曰鴻不必當小正之遷必者也

戴禮無下必字

雉震响震也

者鳴也响也者鼓其翼也

關本雉震也者鳴也

正月必需雷雷不必聞

關本作同

惟雉爲必聞之何以謂之雷則雉震响相識以雷

也農緯厥耒緯束也束其耒云爾者用是見君之亦有耒也

關本作見君子之亦有耒也

初歲祭耒始用暢

關本作暢舊注音誤

暢也者終歲之用祭也其曰初云爾也者言是月之始用之也

關本初歲祭耒始用暢

其言是月之始初者始也大戴禮初歲祭耒始用暢也者終歲之用祭也

云爾暢也者終歲之用祭也言是月之始用之也初者始也

或曰祭韭也囿有見韭囿也者園之燕也

大戴禮

圓也。圓之時有俊風。俊者大也。關本：俊也。者大也。大風南風也。何大於南風也。曰合冰必於南風。關本：合冰。作合水。解冰必

於南風。生必於南風。收必於南風。關本：收。作殺。故大之也。寒曰滌凍塗。舊注：滌。作條。滌也者。變也。變而煖也。凍塗也

者。大戴：凍塗。塗者。凍下而澤上多也。田鼠出。田鼠者。噉鼠也。記時也。農率均田。率者。循也。均田者。始除田也。言農

夫急除田也。獺獸祭魚。大戴：作獺。祭魚。其必與之獸何也。曰非其類也。祭也者。得多也。善其祭而後食之。關本：善。作美。

十月豺祭獸。謂之祭。獺祭魚。謂之獸。祭何也。大戴及關本：作謂之獸何也。舊注：一作謂。之祭獸。以上文考之。當作謂之獸祭。豺祭其類。獺祭非其類。

故謂之獸。大之也。鷹則爲鳩。鷹也者。其殺之時也。鳩也者。非其殺之時也。善變而之仁也。故具言之也。則

盡其辭也。鳩爲鷹變而之仁也。故不盡其辭也。農及雪澤。言雪澤之無高下也。初服于公田。古有公田

焉者。古言先服公田而後服其田也。采芸。舊注：芸似邪。曰可食。爲廟采也。關本：一爲。廟未也。鞠則見。鞠也者。何也。大戴：鞠者。何也。

星名也。鞠則見也。關本：無。鞠字。歲再見爾。初昏參中。蓋記時也。云斗柄。舊注：一作。斗杓。縣在下。言斗柄者。所以著參之

中也。柳稊稊也者。發孚也。關本：稊者。發字也。梅杏棗桃則華。棗桃山桃也。關本：地。作施。緹縹緹縹也者。莎隨也。關本：縹也。者。莎隨也。

也。舊注：緹。莎隨。莎草也。爾雅：緹。縹也。大戴：禮。緹縹也。縹也者。大戴：作縹。緹也者。大戴：作縹。其實也。先言得而後言縹何也。縹先見

者也。何以謂之小正。以小著名也。大戴：以著。名也。雞桴粥粥也者。關本：元。下粥字。相粥之時也。或曰桴。桴伏也。粥養也。

舊注：音育。桴。桴按記。桴伏。桴音於具。伏。桴。

二月往耒耜。關本：耒。耜。作耒。耜。禪初。俊羔助厥母粥。綏多女士。關本：作。綏。綏。丁亥。萬用入學。祭鮪。榮莖采蘩。昆小蟲抵蜺。

未降。關本：小虫傳。自昆簡誤列於。五月以下。脫承。煮梅之下。燕乃睇。剝鰾。大戴：鰾。作鰾。有鳴倉庚。榮芸。時有見稊始收。

傳二月往饒黍關本黍作柔禪禪也初俊羔助厥母粥音俊也者大也粥也者養也言大羔能食草木而不

食其母也羊羔非其子而後養之羊羔關本作羊羔舊注蓋一作蓋善養而記之也或曰夏有養祭大戴夏作憂祭也者用羔是

時也不足喜樂善羔之爲生也關本不足善樂喜羔之爲生也而記之與羊牛舊注一本作羔羊腹時也綏多女士關本綏作綏綏安也

冠子取婦之時也丁亥萬用入學丁亥者吉日也萬也者干戚舞也入學者太學也謂今時大舍采也祭

鮪祭不必記記鮪何也鮪之至有時美物也鮪者魚之先至者也關本鮪之字而其至有時謹記其時榮革菜

也大戴菜也作菜色采繁大戴采作菜繁由胡由胡者繁母也皆豆實也故記之昆小蟲抵蜺昆者衆也猶魂大戴猶作由魂

也者動也小蟲動也其先言動而後言蟲者何也萬物至是動而後著大戴脫至字抵猶推也蜺蜺卵也爲祭

醢也取之則必推之推之不必取取必推而不言取來降燕乃睇燕乙也降者下也言來者何也莫能見

其始出也關本作莫能見始出也故曰來降言乃睇何也睇者眇也眇者視可爲室者也大戴作也者百鳥皆曰巢突穴取

與之室關本作取與室何也操泥而就家人人內也關本作就家人內也剝鰾以爲鼓也關本鰾作鰾有鳴倉庚倉庚者商庚也

關本倉庚商庚也脫者字商庚者長股也榮芸時有見稊始收有見稊而後始收是小正序也大戴小正序也作小其序也小正之序

時也皆若是也稊者所爲豆膏關本自也皆豆膏也以下脫簡在五月承又言之時何也之後也

三月參則伏攝桑萎揚舊注萎一作苑羴羊螫則鳴頒冰采識妾子始蚕執養宮事祈麥實越有小旱田鼠化爲

駕拂桐芭鳴鳩傳三月參則伏伏者非亡之辭也大戴禮亡作忘星無時而不見我有不見之時故曰伏云攝桑攝而記之急桑

也。萎。

舊注一作苑。

揚。揚則花。

舊注一作苑。

而後記之。犂羊。羊有相還之時。其類犂犂然。

舊注犂犂一作犂犂。

記變爾。或曰犂犂。

也。螫則鳴。螫。天樓也。頒冰。頒冰也者。分冰以授大夫也。

關本以接授大夫也。

采識。識草也。

大戴草作早。

妻子始蚕。妾而後。

子何也。曰。事有漸也。言自卑事者始也。

大戴禮作言自卑事者始。無也字。以義櫛之。當云言事自卑者始。

執養宮事。執操也。養。長也。祈麥實。

麥者。五穀之先見者。故急祈而記之也。越有小旱。越于也。記是事恆有小旱。田鼠化為鴽。鴽也。變而之。

善。故盡其辭也。鴽為鼠。變之不善。故不盡其辭也。拂桐芭。拂也。桐芭之時也。

舊注一本拂也者。桐芭之時也。

或曰。言桐芭。

始生貌。拂拂然也。鳴鳩。言始相命也。先鳴而後鳩何也。鳩者。鳴而後知其鳩也。

關本。自鳩言始相命以下脫簡。在二月傳。承由胡者繁母。今

以大戴禮正其誤。

夏小正戴氏傳卷第二

夏

四月。昴則見。初昏南門正。鳴札。圉有見杏。鳴蜮。王蓿。莠。取茶。莠幽。越有大旱。執陟攻駒。
傳。四月。昴則見。初昏南門正。南門者星也。歲再見一正。蓋大正所取法也。鳴札。札者寧縣也。鳴而後知之。
故先鳴而後札。圉有見杏。圉者山之燕者也。鳴蜮。鳴蜮也。或曰。屈造之屬也。王蓿。莠。取茶。茶也者。以爲君
薦蔣也。關本無以字莠幽。越有大旱。記時爾。執陟攻駒。執也者。始執駒也。關本。作始執駒。執駒也者。離之去母也。執而
升之君也。攻駒也者。教之服車數舍之也。

五月。參則見。浮游有殷。鳩則鳴。時有養日。乃衣瓜。舊注一作乃衣衣。良蜩鳴。偃之興五日。翕望乃伏。啓灌藍蓼。鳩爲
鷹。唐蜩鳴。初昏大火中。種黍菽糜。或曰種黍菽糜以心中爲節。傳因大火中而及之。非小正文。煮梅。蓄蘭。頒馬。

傳。五月。參則見。參也者。伐舊注一作作牧。星也。故盡其辭也。浮游有殷。殷衆也。浮游殷之時也。浮游者。渠略也。朝

生而暮死。稱有何也。有見也。鳩則鳴。大戴禮關本鳩作鳩。以下又考之當作鳩。鳩者。伯鷦也。鳴者。相命也。其不辜之時也。是善之

故盡其辭也。時有養日。養長也。一則在本。一則在末。故其記曰。時養日之也。大戴禮曰之作日之舊注。其紀曰有養日云也。乃衣

瓜。瓜者。急瓜之辭也。瓜者。始食瓜也。舊注一本乃衣瓜。乃衣者。急衣之辭也。衣也者。始創衣也。良蜩鳴。良蜩也者。五采具。偃之興五日

翕望乃伏。其不言生而稱興何也。不知其生之時。故曰興。以其興也。故言之。興五日翕也。望也者。月之望

也。而伏云者，不知其死也。故謂之伏。五日也者，十五日也。翕也者，合也。伏也者，入而不見也。戴禮入作人，關本無也字。

啓灌藍蓼，啓者，別也。陶而疏之也。灌也者，聚生者也。戴禮灌也者，作灌者。記時也。鳩爲鷹，唐蝟鳴，唐蝟鳴者，戛也。初

昏大火中，大火者，心也。心中種黍菽麋時也。糞梅爲豆實也。蓄蘭爲沐浴也。菽麋以在經中矣。又言之時

何也，是食短閔而記之。頒馬，分大夫卿之駒也。戴禮脫大字。將間諸，則或取離駒，納之則法也。關本自是食短以下，止則法也。脫簡在

三月拂拂然也。鳴之後。

六月初昏，斗柄關本舊注，柄一作杓。正在上，糞桃，鷹始擊。

傳六月初昏，斗柄正在上，五月大火中，六月斗柄正在上，此見斗柄之不在當心也。蓋當依依尾也。糞桃

桃也者，柎桃也。柎桃也者，山桃也。糞以爲豆實也。大戴禮地作地，按爾雅根柎，郭璞注云，白根也。樹似白楊，而古今字書有柎而無柎，釋云木名，亦無有訓山桃者。爾雅柎

桃山桃，音斯，唐韻亦云，此書云柎桃也者，山桃也。柎當作桃，蓋傳寫之訛。鷹始擊而言之何也，諱殺之辭也。故言擊云。大戴作放，擊云。

夏小正戴氏傳卷第三

秋

七月。莠藿葦。狸子肇肆。湟潦生苹。爽死。萃莠。爾雅萃藨蕭。又曰萍萍。其大者藨。又曰萍馬。帶。據此則上萃當作萍。下萃當作萍。傳同。漢案戶。寒蟬鳴。初

昏。織女正東鄉。時有霖雨。灌荼。斗柄縣在下則旦。

傳。七月。莠藿葦。未莠則不爲藿。葦莠然後爲藿。葦故先言莠。狸子肇。始也。肆。遂也。言其始遂也。其或曰肆

殺也。其或曰。其字疑衍。湟潦生苹。湟潦生苹也者。大戴禮無湟潦。生萃者五字。湟下處也。有湟然後有潦。舊注潦一作瀆。潦而後有萃

草也。大戴禮潦而後有萃。草也。萃作萃。爽死。爽也者。猶疏也。萃莠。萃也者。馬芻也。漢案戶。漢也者。河也。大戴禮無者。河也三字。案戶也者。

直戶也。言正南。舊注南或作爲。大戴禮作爲。北也。寒蟬鳴。蟬鳴也者。蜩蟬也。初昏。織女正東鄉。時有霖雨。灌聚也。荼。藿

葦之莠也。大戴禮無也字。爲蔣楮之也。藿未莠爲葦。葦未莠爲蘆。大戴禮莠皆作秀。斗柄縣在下則旦。

八月。剝瓜。玄校。剝棗。棗零。大戴禮棗作棗。丹鳥羞白鳥。辰則伏。鹿人從。駕爲鼠。參中則旦。

傳。八月。剝瓜。剝瓜者也。大戴禮無剝瓜也者四字。畜瓜之時也。玄校。玄也者。黑也。大戴禮玄校也者。若綠色然。婦人未嫁

者。衣之。剝棗。剝也者。取也。棗零。大戴禮棗作棗。零也者。降零而後取之。故不言剝也。丹鳥羞白鳥。丹鳥者。謂丹良

也。白鳥。謂閭蚘也。其謂之鳥何也。重其養者也。有翼者爲鳥。羞也者。進也。關本無也字。不盡食也。辰則伏。辰也

者。大戴禮無者字。謂星也。伏也者。大戴禮作伏見也者。入而不見也。鹿人從。鹿人從者。從羣也。鹿之養也。離羣而善之。離而

生非所知時也。故記從不記離。大戴禮作鹿人。鹿人從者。從羣也。鹿之養也。離郡善而善而之。離而生非所知時也。故記從不記離。君子之居幽也。不言。或曰

人從人從也者。大戴禮作或曰人人從。大者於外。小者放於內。率之也。大戴禮無放字。鷩爲鼠。參中則旦。

九月內火。遷鴻鴈。主夫出火。夫當作火。傳同。陟玄鳥。蟄熊羆。貉貉鼯則穴。大戴禮貉作貉。穴則大。榮鞠樹麥。或曰樹麥。傳文。王始裘。

雀入于海爲蛤。

傳九月內火。內火也者。大火。大火也者。心也。遷鴻鴈。遷往也。主夫出火。主夫也者。主以時縱火也。陟玄鳥

蟄陟升也。關本作井蓋誤。玄鳥也者。燕也。先言陟而後言蟄何也。陟而後蟄也。熊羆。貉貉鼯則穴。若蟄而。大戴禮貉

作貉穴則大。榮鞠。鞠草也。鞠榮而樹麥。時之急也。王始裘者何也。衣裘之時也。辰繫于日。雀入于海爲蛤。蓋有

矣。非常入也。

夏小正戴氏傳卷第四

冬

十月豺祭獸初昏南門見黑鳥浴時有養夜雉入于淮爲蜃織女正北鄉則旦

傳十月豺祭獸善其祭而後食之也初昏南門見大戴禮脫見字南門者星名也及此再見矣黑鳥浴黑鳥者

何也烏也浴也者飛乍高乍下也大戴禮作黑鳥浴者何也烏浴也時有養夜者養長也大戴禮云時有養者長也今從關本若

日之長也云雉入于淮爲蜃蜃者蒲盧也織女正北鄉則旦織女星名也

十有一月王狩陳筋革晉人不從隕麋角

傳十有一月大戴禮脫有字王狩王狩者言王之時田冬獵爲狩陳筋革者省兵甲也晉人不從不從者弗行於

時月也萬物不通隕麋角隕墮也日冬至陽氣至始動諸向生皆蒙蒙符矣故麋角隕記時焉爾大戴禮云記時時

焉爾衍一字

十有二月鳴弋玄駒賁納卯蒜虞人入梁隕麋角月令仲冬麋角解與小正十一月記隕麋角合十

傳十有二月鳴弋弋也者禽也先言鳴而後言弋何也鳴而後知其弋也玄駒賁玄駒也者蠃也關本玄駒

賁者何也走於地中也納卯蒜卯蒜也者本如卵者也納者何也納之君也虞人入梁虞人官也梁者主

設罟罟者也隕麋角蓋陽氣且睹也故記之也



袁本傅崧卿本夏小正校錄

夏小正戴氏傳四卷。宋給事中傅崧卿注。見馬貴與經籍考。國朝四庫全書亦錄之。以大戴禮本所脫誤者。此書猶存其字。故可貴也。傅所審定。卽不盡然而讀小正者。要莫不取證於是。是書世鮮刻本。惟見通志堂經解中。丕烈向收得明袁尙之重刊宋本。適余姻家袁君壽階重其爲先世舊物。意欲重雕。故輟贈之。會因病歿。此志不果。後顧梧生孝廉館余家。究心夏小正一書。廣搜各本。余復從五硯樓乞得袁本原書。其時同郡江君鐵菴亦以惠松崖先生手鈔本見贈。因取經解本與惠鈔本並校。袁本異同。錄得若干條。以備參考。越歲辛巳。梧生慇懃開雕。遂用袁本。影寫付梓。其中字畫缺誤。前後歧出。悉仍其舊。不敢添改。于校錄中。但正袁刻之誤。而不正傅氏之失者。蓋是書之刻。意在流傳舊本。餉世。至於旁引曲證。審厥從違。有梧生之著述在。俟其脫稿。急爲刊行。此袁本之刻。若爲之擁篲先驅也。道光紀元孟夏月望後二日。吳縣黃丕烈識。

序

注蟄蛰

蛰誤字。經解本惠本蟲。

注魚涉

涉誤字。經解本惠本涉。

注昌舞

昌誤字。經解本惠本習。

注甚謂

甚誤字。經解本惠本其。

注月今

今誤字。經解本惠本令。

睹其全

睹誤字。惠本睹。

聞外兄

聞誤字。經解本惠本閱。

相揉

揉誤字。經解本惠本揉。

卷第一

經注關本作暢暢誤字。以下文及傳注考之。當作暢。經注按暢暢誤字。經解本惠本暢。經未芸未誤字。經解本惠本采。經柳梯經解本惠本梯。此本傳亦作梯。傳

注戴孔孔誤字。經解本惠本禮。傳注還音遞序曰關本注釋二十三處。今檢止二處。此下有案字。疑亦舊注。傳注圓東誤字。經解本惠本作關本。傳何鄉誤倒。惠本鄉何。

傳注關本初歲祭未始用暢暢者其曰初云爾暢也者三暢字俱誤。惠本暢。傳注除除誤字。經解本惠本條。傳田也空格。經解本惠本。

不空傳注邪曰曰誤字。經解本惠本作曰。疑傳注廟未未誤字。經解本惠本采。傳見也也誤字。惠本者。傳注發字字誤字。經解本惠本字。

傳注舊注緹莎隨緹誤字。經解本惠本緹。傳先言得得誤字。惠本緹。傳縞先見縞誤字。惠本緹。傳注元下元。元之誤。經解本惠本。

無傳注伏墨釘經解本惠本有音扶又三字。經注作綏綏誤倒。傳注綏作綏。經未降未誤字。經解本惠本來。經注關本小虫至。煮梅之

下此注當在時有見稀始收下。當作關本自見小蟲以下。脫簡。誤列於五月承煮梅傳之下。煮梅字疑亦誤。經注大戴蟬作黠大戴傳注作關本。傳太學惠本大學。傳繁母也此

惠本有繁母旁勃也五字。傳昉也昉者當為。疑。傳注之後也也疑。經萎揚當為。楊。經始蚕蚕誤字。經解本惠本蠶。傳同。傳注羴羴羴。經解本惠本羴。

傳天嫫嫫誤字。當為嫫。

卷第二

經種黍菽糜糜傳作糜。傳注下又經解本惠本下文。傳注其紀曰紀誤字。經解本惠本記。傳注乃衣瓜瓜。經注衣。傳經中經解本惠本經上有纏字。

衍。疑傳將間間。經解本惠本間。傳注放摯云放誤字。經解本惠本故。

卷第三

經注蕝肅蕝誤字。經解本惠本肅。經注作萍萍當為萍。經解本惠本萍。經注作并并。經解本惠本并。傳狸子此下當有豨肆二字。經文不脫。傳注大戴無

渰渰生萃者五字據傳當作無渰渰。生萃也者六字。傳案戶也者經解本戶下有。疑衍。傳灌聚也此上當有灌荼二字。經文不脫。傳剝瓜者也誤倒。經解本惠本。

本惠本也者。傳注作五。五經解本傳若緣色然。此下惠本有注云。緣。大戴禮作祿。祿當爲緣。緣衣黑。古緣緣通。周傳注栗。經注傳注離郡。郡誤字。經解經注穴則大。則誤字。傳注穴則大。惠本作。

卷第四

經初昏南門見。惠本無見字。以傳及傳傳見矣。空格。經解本傳注困誤爲之傳。困。經解本傳元駒也者。經本惠本脫上一字。誤。傳邑罟。經解本惠本罟作駒也者。誤。





夏小正考注

畢沅撰

夏小正考注

本館據經訓堂叢
書本影印初編各
叢書僅有此本

夏小正攷注敘

竊以夏小正攷注前都燕撫陝西等處學政

纂修

大戴記八十一篇今止四十篇其篇自三十九始無四十
三四五及六十一四篇有兩七十三或云兩七十四小正
蓋其第四十七篇也案漢書藝文志七十子後學者所記
禮百三十一篇別無大小戴之目今所計小戴有四十九
篇大戴有八十一篇合之正得百三十篇之數較藝文志
所說止少一篇并此二書卽後學者所記歟唐大衍歷日
度議曰小正雖頗踈略失傳乃義和遺蹟今檢論經月所
列觀象授時諸事有正月啟蟄鞠則見初昏參中杓杓縣
在下三月參則伏四月昴則見初昏南門正五月參則見

初昏大火中六月初昏杓杓正在上七月漢紫戶初昏織女正東鄉杓杓縣在下則旦八月辰則伏參中則旦九月內火辰繫于口十月初昏南門見織女正北鄉則旦云云與尚書堯典日中星鳥日永星火宵中星虛日短星昴之旨合稽之明堂月令則三月日在胃參不必伏五月昏亢中非大火中八月日在角辰亦未伏有所不同以宋何承天隋袁充之說攷之知堯時冬至日在須女十度劉歆三統揚雄太元又推周時冬至日在牽牛初度賈逵云初度者牽牛中星也然則其間實差十度有奇又大衍推小正三月日在昴五月日在鬼天行遲速今古不能相同後世歲差之論當有所自矣三統記十二次諏訾立春節驚蟄

中降婁雨水節春分中大梁穀雨節清明中太初後術則
云諏嘗立春節雨水中降婁驚蟄節春分中大梁清明節
穀雨中又異者古歷皆如三統所稱改之者自後術始月
令曰正月蟄蟲始振二月始雨水不符于小正耶汲郡所
出周書有時則解一篇云雨水之日獺祭魚驚蟄之日桃
始華清明之日桐始華穀雨之日萍始生亦次驚蟄穀雨
于雨水清明後後人剽取月令竄入周書又分五日爲一
候讖緯之談無所關乎經制焉月令十二月有雉雊鷄孚
卵小正則在正月二月有雁化爲鳩桃始華小正亦在正
月五月有游牝別其羣執鴈駒班馬政小正則在四月九
月有豺祭獸小正則在十月天行有不同物候亦因之換

耶小正于天象時制人事衆物之情無不具紀洵爲一代之巨憲故夫子稱之曰欲觀夏道吾得夏時焉又曰行夏之時司馬遷曰孔子正夏時學者多傳夏小正此書之所由來歟作者之聖言辭簡要後儒爲之訓注如周書王會解穢人前兒良夷在子揚州禺發人鹿周頭輝羝白民乘黃歐人蟬蛇等云經也其下前兒若獼猴立行聲似小兒在子口身人首脂其腹炙之霍則鳴曰在子禺魚名鹿者若鹿迅走輝羝者羊也乘黃者似麒麟皆有兩角蟬蛇順食之美等云則注也山海經結匈國南山在其東南比翼鳥在其東三苗國在赤水東鑿齒持盾等云亦經也其下一曰南山在結匈東南一曰在南山東一曰三苗國一曰戈

等云亦注也經注不分則習之或誤小正經爲禹啟所製
歷二千餘年而戴德始作傳不加之條晰必有以傳爲經
以經爲傳之弊沅所見各家自今所行大戴記外其專本
有宋朱子本有關澮本有傳崧卿本有王應麟本有元金
履祥本

本朝有故尚書大興黃叔琳本有故尚書無錫秦蕙田本
有今學士錢塘盧文弨本有故編修休寧戴震本有今主
事曲阜孔繼涵本皆分經傳亦並有異同索引者又有鄭
康成郭璞孔穎達歐陽詢徐堅李善一行諸人因遭加參
校附以鄙釋名曰夏小正攷注小正有戴氏傳之于前又
有北周盧辯注之于後今經旣殘破傳復譌亂辯注又不

傳若據攷不精各以私意類分互證是誣之矣沅于詁訓
信好雅言文字默守許解經禮則專宗鄭學戴之說是必
曲証以申明之偶得一閒又求之諸經以附合本旨庶得
尊經後傳之義夫由今以溯傳既二千年矣由傳以溯經
又二千年歷四千餘年之久而通之者卒不多見其人蓋
信古者少矣可不深歎哉癸卯歲乾隆四十有八年四月
日

皇朝正一書戴禮記

沅曰此隋書經籍志傳目也本在大戴禮記內爲第四十七篇其書古亦專行故志別題其目相傳旣久誤繆實多今就行世諸本互校之以篆隸二體分寫經傳示經爲小正文傳爲戴氏所饌也閒附釋義其字必期合于許存說文者專家之數也

正曰居訓言始發蟄也

沅曰舊本居皆作啟許存說文解字曰居開也啟教也應用居字

雁雁先言雁而後言鄉者何也見雁而後數其鄉也鄉者何也鄉其居也雁以北方爲居何以謂之爲居生且

長焉爾九月遯鴻雁先言遯而後言鴻雁何也見遯而後數之則鴻雁也何不謂南鄉也曰非其居也故不謂南鄉記鴻雁之遯也如不記其鄉何也曰鴻不必當小正之遯者也

沅曰雁舊本皆作鴈許春曰雁鳥也鴈鵠也毛詩傳曰大曰鴻小曰雁應用雁字淮南子時則訓候雁北高誘曰雁從彭蠡來北過周洛至雁門孕卵殼班固西京賦曰南翔衡陽北棲雁門亦其義許春曰遯去也易明辨晷鄭康成本晷作遯云遯讀如明星晷晷之晷是遯有晷音古字而如通故傳崧卿本作而不記其鄉

離震離震也者鳴也離也者鼓其翼也正月必雷雷不

必聞惟雉爲必聞之何以謂之雷則雉震雉相識以雷

沅曰郎顗以爲雷二月出地故正月之雷不必聞雉舊本作响古無响字許翬曰雉雉鳴雄雉鳴曰雉雌雉鳴曰鳴故詩曰雉之朝雉尚求其雌又曰有鳴雉鳴震之言鳴雉之言鼓皆據字音釋義本或作震也者雷也非又徐堅初學記引作雉也者鳴也震也者鼓其翼也歐陽詢藝文類聚引作正月必雷雷不必聞唯雉先聞之亦並非

負人入陟升也負久云者言解蟄也

沅曰舊本久作冰古字通用




爾雅書音未韋束也束其未云爾用是見君之亦有未

也

沅曰舊本韋作緯昏作厥許春曰韋相背也獸皮之韋
可以束枉戾緯織橫絲也昏塞口也厥發石也應用韋
昏字君亦有求耒耜耕耨之禮用之也詩曰三之日于耜
初歲祭耒耜用暘其用初云爾暘也者終歲之
用祭也言是月之始用之也初者始也或曰祭韭也

沅曰暘舊本作暢古無從申之字說文曰暘不生也汜
勝之書曰土長冒輒陳根可拔耕者急發卽用暘之說
矣傅崧卿本其曰初云爾句在言是月之始用之也句
上似當以傳本爲正或曰祭韭也句一說當在下園之
燕者也句下詩曰四之日獻羔祭韭王應麟引經無始




用囑句

   囑也者國之燕者也

沅曰朱子定小正之文無囑有見非四字苑之有垣者曰囑燕燕居也王應麟引經作囑有非無見字

時三後風後者大也大風南風也何大于南風也曰台久必于南風解久必于南風生必于南風收必于南風故大之也

沅曰後風卽呂氏春秋所謂巨風也高誘以爲離氣所生凡言時有者皆不時有也春日故條風至矣

   澌也者變也變而煖也凍涂也者凍下而澤上多也

沅曰涂舊本作塗俗字據傳應以寒日滌爲句而徐堅誤以滌字屬下句矣又王應麟引經無寒日二字亦以滌凍涂爲句

田鼠也田鼠者黠鼠也記時也

沅曰黠鼠卽齡鼠也爾雅有之郭璞注曰以頰裹臧食者高誘以爲亦卽齡鼠然則伯勞所作者是矣舊本黠作噤說文曰噤口有所銜也史記外戚世家景帝心噤之而未發漢書作心銜之是噤與銜同意口有所銜亦頰裹臧食之義是借噤字亦通

田達者循也均田始除田也言農夫急除田也

沅曰達舊本作率攷達循字應如此

獺祭魚其必與之獻何也曰非其類也祭也者得多也善其祭而後食之十月豺祭獸謂之祭獺祭魚謂之獻何也豺祭其類獺祭非其類故謂之獻大之也

沅曰傳本作獺獻祭魚王應麟作獺祭魚並非也必與之與朱子疑爲謂字呂不韋月令作獺祭魚小正作獺獻魚異故傳解之高誘曰獺祭鯉魚于水邊四面陳之謂之祭魚

雁也者其殺之時也鳩也者非其殺之時也善變而之仁也故其言之也曰則盡其辭也鳩爲雁變而之不仁也故不盡其辭也

沅曰雖舊本作鴈籀文也鳩謂布穀也喙正直不能驚
搏徐堅初學記引故其言之也其作具無曰則盡其辭
也句

雪澤之無高下也

沅曰汜勝之書曰雪爲五穀之精故農望其澤


勅服于公田古有公田焉者古言先服公田而後服其田也

沅曰服事也月令是月擇元辰躬耕帝藉

爲廟采也

沅曰此下有舊注云似邪蒿可食五字疑卽盧辯說也
辯北周時人作大戴禮注伊尹曰菜之美者華陽之芸

高誘以爲芳艸蔡德晉曰十一月芸始生至是采之以薦寢廟

鞠者何也星名也鞠則見者歲再見爾

沅曰天官書星無名鞠者是月昏參中則柳星見耳爾雅曰柳謂之味史記天官書柳爲鳥注漢書天文志作鳥喙鞠注殆以聲近而誤歟

參中蓋記時也

沅曰天官書參三星直者爲衡石下有三星銳曰罰爲斬艾事其外四星爲左右肩股然合之皆曰參星也左傳曰辰爲商星辰者大火閼伯主辰實沈主參二人不相能故參商之星亦不相見焉

棧縣在平定州之西也

沅曰舊本杓作斗杓作柄王應麟縣作垂攷斗量也杓
酒具也詩酌以大斗玉篇作杓玉篇是柄爲杓以唐書
大衍歷議引攷天官書北斗七星杓攜龍角衡殷南斗
魁枕參首用昏建者杓夜半建者衡平旦建者魁杓者
斗第七星衡第四星魁第一星也魁枕參首則杓杓縣
在下矣故曰箸參之中

和藜藿也者發乎也

沉曰釋名甲孚也言解孚甲而生王應麟蓀作梯云文選注引

果杏類
助
等
桃
山
桃
也

沅曰舊本某作梅攷梅柎也某杏字應如此汜勝之書
曰杏花如何可耕白沙四民月令曰杏花盛可蓄白沙
輕土之田棹桃爾雅作橈桃郭璞曰實如桃而小不解
核

媿媿鎬鎬也者莎隋也媿也者其實也先言媿而後言鎬
者何也媿先見者也何以謂之小正以著名也

沅曰舊本媿作緹鎬作編隋作隨爾雅作媿說文作鎬
廣雅作隋爾雅曰藹侯莎其實媿說文曰莎鎬侯也廣
雅曰地毛莎隋也合之並是何以謂之十字朱子移在
篇首標題之下攷上云媿先見下云以著名正自相訓
釋之辭不必移下篇首蓋古人之文不慨可指爲錯簡

新侯美眡臣曰庾謂俊也者大也鬻也者養也言大羔能食艸木而不食其母也羊蓋非其子而後養之善養而記之也或曰夏有暑祭祭也者用羔是時也不足喜樂善羔之爲生也而記之謂羔羊腹時也

沅曰舊本鬻作粥俗字羔羊子也古者養字從羊大則能助昏母鬻者其性善也夏有暑祭舊本或作憂有煮祭傳崧卿朱子並作夏古者夏祭用羔


經多乃士綏安也冠子取婦之時也

沅曰舊本作士女今以賈公彥士冠禮正義引改周禮仲春會男女

巾二勅鬻用人鬻丁亥者吉日也萬也者干戚舞也

入斆也者大斆也謂今時大舍采也

沅曰萬用入斆鄭康成月令注引作萬舞入斆案其義用字是也左氏傳曰用八佾舍讀如釋采與菜通六丁以亥爲末言亥以該餘日

祭不必記記鮪何也鮪之至有時美物也鮪者魚之先至者也而其至有時謹記其時

沅曰鮪鮪也周禮春獻王鮪月令季春薦鮪于寢廟凡與周禮月令諸篇異者時制不同也薛綜曰王鮪出河南小平山高誘曰鮪魚似鯉而大爾雅鮪叔鮪郭璞曰大者名王鮪小者名叔鮪耳陸璣曰今東萊遼東人謂之尉魚亦謂之仲明仲明樂浪尉也休死海中化爲此

榮華采榮榮華榮菜也蘇由胡由胡者蘇母也蘇母効勃也皆桓實也故記之

夏小正攷注

沅曰經睇下宋本有室字者非月令仲春之月元鳥至齊魯謂之乙取其名白呼說文曰睇目小褻視也方言曰南楚謂眇爲睇攷內則有睇視鄭康成以爲傾視傾視卽褻視不睇視所謂目容端也凡鳥有巢居室居穴居故曰百鳥皆曰巢室穴傳松卿本作巢突穴者非

鼃以爲鼓也

沅曰說文鰾魚名皮可爲鼓攷毛詩有鼃鼓作鼃非也鼃水蟲似蜥易攷工記曰凡冒鼓必以肩蟄之日正此時矣

倉庚者商庚也商庚者長股也

沅曰倉庚商庚爾雅文又云鷦黃也

樂未云

沅曰失傳也

時司見有見梯而後始收是小正序也小正之序時也皆若是也梯者所爲恆實

沅曰正月有柳梯又云見梯故傳以爲小正之序時詩汜律樞曰二月某柳驚春羊牛來莫王應麟引經無時有二字

二司見伏者非亡之辭也星無時而不見我有不見之時故曰伏云

沅曰參伏則商見矣亡本一作忘非唐大衍歷議曰季春日在昴十一度半去參距星十八度故曰參則伏

蠶桑攝而記之急桑也

沅曰月令季春親蠶事故急桑也

蠶桑楊則等而後記之

沅曰萎一本作委舊注云一作苑

煒羊羊有相還之時其類煒煒然記變爾或曰煒𦍋也
沅曰舊本煒作𦍋古無𦍋字攷周書王會曰周頭煒𦍋
其傳云煒𦍋者羊也古字煒煒通二義當以或說爲正
煒𦍋𦍋天蠶也

沅曰舊本蠶作蠶爾雅亦作蠶攷說文曰蠶𦍋𦍋應用
蠶字又方言𦍋𦍋或謂之𦍋𦍋古聲昏牽正同然則蠶
又卽𦍋字之正文歟

葉入奚欠者分欠以授大夫也

沅曰舊本奚作頒攷頒大頭也奚分也應用此字關漢卿本授上有接字者非

𦉰職艸也

沅曰職舊本作識依說文改又爾雅作職云黃蔕也郭璞曰葉似酸漿華小而白中心黃江東以爲葅食

𦉰𦉰𦉰先妾而後子何也曰事有漸也言自卑事者始

沅曰傳崧卿云當作言事自卑者始非也妾內外命婦子內外子女皇侃說

𦉰𦉰𦉰𦉰事執操也養長也

沅曰宮事蠶室之事也

祔麥實麥實者五穀之先見者故急祈而記之也

沅曰月令季春之月爲麥祈實

沅曰川旱粵下也記是時恒有小旱

沅曰舊本粵作越古字通

田鼠則爲雀雀離也變而之善故盡其辭也雀爲鼠變而之不善故不盡其辭也

沅曰舊本雀作駕離作鷓皆俗字也雀者牟母高誘曰青徐謂之牟幽冀謂之鷓鷓亦離也牟母讀如無今爾雅本或作母字者非

拂桐葩也者拂也桐葩之時也或曰言桐葩始生兒

拂拂然也

沅曰舊本葩作芭王應麟作巴攷月令季春桐始華則此實葩字蔡邕曰桐木之後華者故言桐葩之時

鵲言始相命也先鳴而後鳩何也鳩者鳴而後知其鳩也

沅曰鵲鳩也爾雅謂之鵲鳩舍人曰今之班鳩郭璞曰似山鵲而小短尾青黑色多聲攷莊子有學鳩崔謨曰學讀爲滑滑鳩一名滑雕古字滑與鵲雕與鳩皆聲相近然則或以爲卽尸鳩者非矣

四〇〇昂則見勸音同南門正南門者星也歲再見壹正益小正所取法也

沅曰用昴見者平旦也大衍歷議曰立夏日在井四度
昏角中南門右星入角距西五度左星入角距東六度
故曰初昏南門正王希明曰南門天之外門也小正所
取法舊本作人正以意改

鳴札札者蠹縣也鳴而後知之故先鳴而後札

沅曰爾雅注引此作虎縣爾雅曰蜚蜚蜚舍人曰小蟬
也某氏曰鳴札札者蜚札之俗字蠹舊本作寧

   園者山之燕者也

沅曰正月園有見非傳云園園之燕者也蓋類物釋義
非應生于園否應生于山故耳

鳴蟬蟬也者或曰屈造之屬也

沅曰月令四月螻蛄鳴高誘曰螻蛄蝦蟆也周禮秋官有螭氏鄭司農云螭讀如蟻蝦蟆也攷說文蟻與螭同字是不必改讀淮南子鼓造辟兵高誘謂造亦蝦蟆又詩有戚施說文作鼃鼃鼃與造古聲相近然則造卽鼃字矣

王瓜負日

沅曰失傳也王萸卽王瓜是月王瓜生此秀舊本作莠非

耳茶茶也者以爲君薦將也

沅曰茶苦菜將舊本作蔣非周禮地官有掌茶易通卦驗元圖曰苦菜生于寒秋經冬歷春得夏乃成

𦵏

沅曰舊本萋作幽徐巨源曰卽詩四月秀萋是也萋幽聲相同國策曰幽似禾又國語曰馬氣不過節莠莠狼尾莠狗尾然則莠萋二物也劉向說魯詩曰萋味苦然則萋亦苦菜歟此莠應如是寫王應麟經無此二字

𦵏

沅曰月令曰季春行夏令則時雨不降孟夏行冬令則艸木早枯故曰記時

𦵏

陟升也執而升之君也攻駒也者教之服車數舍之也

沅曰馬二歲曰駒沅以爲此陟疑當作騶騶牡馬也月

令季春合騰馬游牝于牧中夏游牝別其羣執騰駒班
馬政謂游牝者蓋令牝馬與牡馬交風合之是也謂別
羣者牝馬懷胎已定不復令與騰馬交恐傷其胎故也
騰駒卽騰馬矣執騰駒卽所謂執騰矣攻駒卽所謂班
馬政矣詩曰旣差我馬此其事焉

又參見參也者伐星也故盡其辭也

沅曰用朝見也小正四記參故曰盡其辭舊本伐作牧
非大衍歷議曰五月節日在與鬼一度半參去日道最
遠以渾儀度之參體始見其有股猶在濁中房星正中
故曰參則見

蟬游殷衆也蟬游殷之時也蟬游蟲蟬也朝生

而莫死稱有何也有見也

沅曰殷作樂之盛稱故亦曰衆也舊本游作游非蟲作渠螭作略皆借字朱子本無蟬游殷之時也句方言蟬游秦晉之間謂之蟲螭郭璞曰以天牛而小朝生夕死

鵲則鳴鵲者伯勞也鳴者相命也其不辜之時也是善

之故盡其辭也

沅曰舊本鵲作鵲伯作百勞作鵲攷鵲是寧鵲鵲是刀鵲皆非本字又月令作鵲鵲之譌字易通卦驗夏至小暑博勞鳴博勞性好單栖其飛狻其聲嗅嗅夏至應陰而鳴冬至而止古聲博伯相轉又左傳作伯趙古聲勞趙相近沅以爲伯趙氏司至者也趙字從走有至義

或古本應作趙轉爲勞耳小正以五月鳴鵙而詩以七月鳴者邠地苦寒物候稍晚矣辜舊本作事此從傳朱本

時可養日養長也一則在本一則在末故其記曰有
養日云也

沅曰養日之日王應麟作白朱子曰大戴記作養白以十月養夜攷之作日近是五月長至故養以日十月將短至故養以夜歟日長至陰陽爭死生分君子齋戒容身無慙節聲色薄滋味百官靜事無刑以定晏陰之所成養日之事也

弓瓜乃者急瓜之辭也瓜者始食瓜也

沅曰傳崧卿舊注一本作乃衣瓜乃衣者急衣之辭也
衣也者始初衣也非是羅願爾雅翼吳澂事類賦引急
瓜並作治瓜盧諶祭法曰夏祀秋祠皆用瓜
蠨蛸鳴蜩也者五采具

沅曰舊本蜩作良采爾雅注作彩詩曰五月鳴蜩

蜩上興又日合羽己伏其不言生而稱興者何也
不知其生之時故曰興以其興也故言之興五日翕也望
也者月之望也而伏云者不知其死也故謂之伏五日也
者十五日也翕也者合也伏也者入而不見也

沅曰蜩舊本作區望作望皆非

后蠨蛸蟛蜞者別也荀而疏之也灌也者叢生者也

記時也

沅曰舊本叢作聚叢誤爲聚聚譌爲聚也又荀作陶崔寔曰榆莢落時可種藍五月可刈藍詩終朝采藍不盈一檐五日爲期六日不詹鄭康成曰期至五月而歸今六月猶不至五月者正藍之候又月令令民毋刈藍以染注曰此月藍始可別以戴傳合詩禮二注義始明顯

蜩鳴

沅曰失傳也


蜩鳴唐蜩鳴者蜩也

沅曰舊本蜩亦爲蜩舍人曰梁宋以東謂蜩爲蜩

初音九火中種黍禾縻大火者心也心中種

黍未麋時也

沅曰本或無經種黍未麋四字種作種非麋作糜亦非
尚書曰日永星火以正仲夏

 爲桓實也

沅曰舊本鬻作者同某亦作梅周禮籩實有乾蓀鄭康
成注曰乾蓀乾某也蜀志曰蜀人名某爲蓀古者籩桓
同用

 爲沐浴也

沅曰蘭芳艸也楚辭曰浴蘭湯

未麋黍以在經中又言之時何也是食豆鬻而記之

沅曰舊本麋作糜非也以已古字通豆鬻舊本作矩關

傳崧卿本作矩閔朱子本作短闌皆非王應麟經無此二字

箋爾馬分大夫卿之駒也

沅曰月令所謂頒馬政亦是矣分駒義與執騰駒亦同故下云閑諸則也大夫卿一本作夫婦非舊本箋作頒將閑諸則或取驪駒納之則法也

沅曰舊本閑作閒驪作離並借字詩比物四驪閑之維則

夬○勛○昏○移○杞○正○井○上五月大火中六月杓正在上此見杓之不正當心也蓋當依依尾也

沅曰此杓王應麟亦作柄尾者星也此言六月昏尾中

耳

〔鸛〕桃也者桼桃也桼桃也者山桃也鸛以爲桓實也
沅曰舊本鸛亦作煮同周禮籩實有桃內則曰桃諸

鸛始鸛之言何諱殺之辭故鸛云

沅曰舊本鸛作鷩說文鷩擊殺鳥也應用鷩月令是月
鷩乃學習鄭康成謂攫搏也說文曰習數飛也足証鷩
習同義鄭志焦氏問曰仲秋鳩化爲鷩仲春鷩化爲鳩
此六月何言鷩學習乎張逸答曰鷩雖爲鳩亦自有真
鷩可習矣

〔鸛〕未秀則不爲菴葦秀然後爲菴葦故
先言秀

沅曰舊本秀亦作莠菴爲菴非也說文曰菴亂也葦大
段也葦葦之未秀者菴菴之未秀者然則未秀不爲菴
葦者謂菴葦歟此可取以說詩

狸子筆肆肆犀始也肆遂也言其始遂也或曰肆殺也
沅曰舊本狸作捏犀作筆攷古無捏字筆與犀通傳義
未晰沅以爲爾雅有狸子肆今本作肆肆亦俗字陸德
明曰衆家皆作肆是肆爲狸子不必以遂殺兩義解之
矣沅又謂漢法以立秋日驅腰蘇林曰驅虎屬常以立
秋日祭獸王者亦以此日出獵還以祭宗廟名曰驅腰
伏儼曰腰音劉劉殺也腰有劉義故以名祭狸獸近驅
然則犀肆爲始殺之稱亦通

潢潢生芡潢下處也有潢然後有潦有潦而後有萍
艸也

沅曰舊本潢作湴攷說文湴水名潢積水池也是應用
潢字積水曰潢雨水曰潦下讀爲汀

爽卽爽也者猶筵也

沅曰舊本筵作疏若稀疏之義應用筵字周禮太宰九
職八曰臣妾聚斂筵材越紐曰庚貨之戶曰穡辛貨之
戶曰菓比筵食無賈

𦰩并𦰩莽也者馬帚也

沅曰舊本莽作苹說文苹萍也莽馬帚也應用莽字郭
璞曰似蒼

蔭窠戶漢也者河也案戶也者直戶也言正南北也

沅曰李善文選注引作漢天漢也漢案戶者直戶也是
異本古者戶南向故曰案戶言如案之直于戶也

齊蟬鳴寒蟬也者蟬鹿也

沅曰蟬鹿舊本作蜺蟬攷方言齊謂之蟬鹿自關而東
謂之蜺蟬或謂之蜺蟬古字鹿蟬聲相同蜺蟬聲相
近知蜺蟬卽蟬鹿矣又爾雅謂之蜺

祈氏曰織皮正東向

沅曰失傳也舊本向作鄉詩汜律樞曰立秋促織鳴女
工急促之候

時司霽雨

沅曰失傳也月令孟秋菊水潦

灌茶灌叢也茶萑葦之秀爲將褚之也萑未秀爲莢葦未秀爲蘆

沅曰爾雅曰葭蘆莢薺說文曰萑之初生曰莢一曰薺葦之未秀曰葭古字莢與萑聲相近通莢于萑則傳與爾雅說文咸得之矣沅又謂爾雅有其萌蘆蒲云云古無蘆蒲二字說爾雅者皆以爲應作灌渝以小正合之卽灌茶也古字茶讀如渝將褚舊本或作蔣褚作楮似非說文褚製也似用此義作蔣亦非

毛相歸在下助日一

沅曰失傳也是月日在翼王應麟杓作柄縣作垂

𠂔𠂔剝𠂔畜瓜之時也

沅曰傳朱本有剝瓜也者四字

元精元也者黑也校也者若綠色然婦人未嫁者衣之

沅曰舊本緣作綠非是校若綠色然則校或黝字

剝柴柴剝也者取也

沅曰詩八月剝棗

零零零也者降也零而後取之故不言剝也

沅曰說文曰艸曰零木曰落棗木也亦曰零者借其義

棗栗皆桓實也

丹鳥丹鳥丹鳥者丹良也白鳥者謂鷦鷯也其

謂之鳥何也重其養者也有翼者爲鳥羞也者進也不盡

食也

沅曰鄭康成月令注引作九月孔穎達曰鄭所見本異也丹良古今注以爲卽螢火月令是月羣鳥養羞故丹鳥羞白鳥亦謂之羞

屈助陟辰也者謂心也伏也者入而不見也

沅曰謂近日也是月日在角

歲凡朋从羣也鹿之養也離羣而善之離而生非所知時也故記从不記離君子之居幽也不言或曰人从也者大者于外小者于內達之也

沅曰易本命曰四九三十六主律律主鹿故鹿六月而生鹿之性見食急則旅行故于文麗字從鹿麗者旅

也古字麗與離通離羣卽麗羣歟

𩇑𩇑𩇑𩇑𩇑

沅曰失傳也

𩇑𩇑𩇑𩇑𩇑

沅曰失傳也初昏辰伏則夢旦中矣

𩇑𩇑𩇑𩇑𩇑

沅曰周禮司燿掌行火之政令季春出火季秋內火管子曰春爨以羽獸之火夏爨以毛獸之火秋爨以介蟲之火冬爨以鱗獸之火中央爨以裸蟲之火

𩇑𩇑𩇑𩇑𩇑

沅曰月令是月鴻雁來賓詩汜律樞曰天霜樹落葉而

鴻雁南飛

主夫也者主以時縱火也

沅曰周禮司烜以夫遂取明火于日然則夫者夫遂也主夫即司烜氏也高誘曰陽鑊取金杯無緣者孰摩令熱日中時以當日下以艾承之則然得火

陟升也元鳥者燕也先言陟而後言蟄何也陟而後蟄也

沅曰傳本升爲并非也

則內若蟄而

沅曰舊本作熊羆貉貉黼黻攷古字無貉貉即貉字說文引論語狐貉之厚然則貉實貉字古字無黼郭璞爾

雅注引小正作𪔐𪔐則穴知俗本之字皆非也今改正
王應麟以若蟄而三字作經語穴作大亦並誤
榮不鞠之菊艸也菊榮而樹麥時之急也

沅曰鞠舊本作鞠攷爾雅鞠治牆郭璞曰今之秋華說
文曰菊日精似秋華二字疑當以菊爲正也鞠省鞠而
借之耳周處風土記謂日精治牆以花莖別名疑非是
朱子本經有樹麥二字王應麟又以鞠榮而樹麥五字
作經疑俱非也月令是月鞠有黃華

王始裘者何也衣裘之時也

沅曰舊本或無傳王始裘三字非也月令十月天子始
裘

后載示之曰

沅曰失傳也王應麟經無此句

小雀人于海鰓屬有矣非常入也

沅曰說文曰食鰓屬有三皆生於海食鰓千歲雀所化
秦人謂之牡鰓海食百歲燕所化魁食一名復絜老服
翼所化月令八月鴻雁來九月鴻雁來賓鄭康成讀以
賓字斷句高誘則以賓字屬下雀入大水爲食爲句謂
賓雀爲老雀以小正證之知高非矣

十①豺祭獸善其祭而後食之也

沅曰月令九月豺祭獸高誘曰豺似狗而長毛其色黃
于是月殺獸四圍陳之

新昏日南門見南門者星名也及此再見矣

沅曰是月南門朝見于東南隅云昏見者誤也

哭矣曰黑鳥者何也鳥也浴也者飛乍高乍下也

沅曰舊本經作黑鳥浴者非黑者十月之色

時司養者長也若日之長也

沅曰日將短至故養夜若日之長言若長至時之養日也

維人于維豸蜃者蒲盧也

沅曰一本維上有元字藝文類聚引無之蜃無蒲盧之稱應作蜃蟪也蜃修爲蜃園爲蟪古聲同

織女正正向助日一織女星名也

矣故麋角墮記時焉爾

沅曰隊舊本作墜俗字易作陽氣作氣皆借字月令謂之麋角解漢書陳寵傳冬至之節陽氣始萌十一月有蘭射干芸荔之應時令曰諸生蕩安形體天以爲正歲以爲春然則蒙讀如萌符應讀如孚甲之孚矣

十一月一四鳴雉鳩也者禽也先言鳴而後言鳴者何也鳴而後知其鳴也

沅曰鳩舊本作弋傳云禽也者讀如易失前禽謂繳舛飛鳥也月令是月取田獵鳥獸者野虞教道之金履祥曰弋當作焉依義卽焉字焉之誤爲鶚周書大雪之日鶚鳥鳴

元駒音元駒也者螳也賁者何也走于地中也

沅曰螳亦蟄蟲也古字賁與奔聲相近故借用之易曰賁于邱園方言螳梁益之間謂之元駒

內音內也音內卵蒜也者本如卵者也內者何也內之君也

沅曰舊本內作納蒜葷菜孫炎曰帝登蒿山遭蘘芋艸毒將死得蒜乃嚙之解毒乃收植之

𦉳音人人音人虞人官也梁者主設𦉳𦉳者也


沅曰說文曰𦉳庖蟻所結繩以漁𦉳𦉳也𦉳曲梁寡婦之筍魚所𦉳也詩魚麗于𦉳毛傳曰𦉳曲梁也然則入梁者入此曲梁也入讀如內月令是月命漁師始漁故內此具耳

歸藏系因蓋易氣且睹故記之也

沅曰經重言之傳亦重解之

夏小正攷注終

靈巖山館刊



夏 小 正 傳

孫 星 衍 校

夏小正傳

本館據岱南閣叢
書本排印初編各
叢書僅有此本

序

夏時古書存者。惟有尙書禹貢、甘誓、及山海經。其孔甲盤盂、太帝字、諸篇。見藝文志。易有連山。文皆散佚。今晉梅賾所造五子之歌。允征。後魏劉炫所造連山。雖存不足徵也。孔子欲行夏時。又曰。吾得夏時。其書有夏小正。在大戴禮記中。藝文志禮家有明堂陰陽三十三篇。故周月令亦在小戴書中。蔡邕明堂月令論云。戴禮夏小正傳曰。陰陽生物之候。今本誤王事之次。則夏之月令也。如所云。則夏正宜與明堂月令同在禮家矣。大戴之記。述而不作。傳文古質。疑有所受之。亦出于先秦孔子之徒。而不可考。經文所言天時。王政。鳥獸。草木之名。與詩豳風。易通卦驗。周書月令自相合。或有早晚地氣之小異。不足怪也。書稱星象曰。斗曰參。曰辰。曰南門。曰昂。曰織女。曰鞠者。斗天之綱紀。參辰大星。昂蓋星之最明者。從南門星正位。辰宮昂星之聚。織女星之明。鞠天之正位。鞠在皆有所取義。視而易識其例。星在午曰中。過申曰伏。至辰戌曰見。與尙書月令及今列宿同。恆星不以歲差而改也。斗柄六月中正。在午。王縣在下。則旦者。斗指申。處暑七月。中斗角亢三建申。則旦建子。南爲上。北爲下。也。參以正月中。在寅。則參伏。在午也。辰故南爲上。也。斗指申。處暑七月。中斗角亢三建申。則旦建子。南爲上。北爲下。也。參以正月中。在寅。則參伏。在午也。辰旦者。角亢正。月昏在寅。房心在申。故伏日。以九月初昏在辰。則參在房。房心連體。在南門。四月大火中者。此兼大火之次也。以五月中。昏在西。房心在申。故伏日。以九月初昏在辰。則參在房。房心連體。在南門。四月大火中者。此兼大火之次也。南角亢八月。昏在酉。房心在申。故伏日。以九月初昏在辰。則參在房。房心連體。在南門。四月大火中者。此兼大火之次也。昏在亥。則南門近。在戊。故見也。五月初昏在辰。則參在房。房心連體。在南門。四月大火中者。此兼大火之次也。月初昏在酉。旦在丑。則織女近。子故北鄉也。正月斗見者。角亢正。月昏在巳。初昏在寅。柳星張在角。南即辰也。凡在辰

在戊皆曰見者星。夏小正之所以名，據傳云：先言緹而後言縞，何也？縞先見者也，何以謂之小正？以著名也。傳本作以小著名，古者黃帝正名百物，禹益主名山川，淮南天文訓稱日行九州七舍，有五億萬七千三百九里，禹以爲朝晝昏夜，是昏旦星辰氣候，禹正其名，故曰夏正正名，不遺百物，且體物著名，必辨形聲視聽之先後，故曰小正。言識大亦識小，非徒記醜而博也。唐大衍歷日度議不解夏小正，其文有云：十見亦失傳也。定星方中，則南門伏，非見也。按定星即室壁也。十月角亢初昏在亥，則昏在戌，故南門在戌，室壁在午，是定星方中之時也。星見于戌，是夏小正之例，言他星亦然，何云伏乎？而以爲近代推月令，夏小正者皆不與古合，又以爲疏簡失傳，實非經之疏，乃不知經者之疏矣。朱文公至謂迂儒所作，非孔子所見夏時本文，此真迂謬之言，疑朱氏及門之誣其師矣。隋時得夏小正專行本，見于經籍志，誠如傅崧卿言，隋重賞以求逸書，進書者離析篇目而爲此也。傳本今刊在通志堂經解中，序稱所見有關澮本，有集賢大戴禮版本，今有明沈泰校大戴禮刊本，前有宋韓元吉序，與傳引集賢本大略無異。卽韓元吉淳熙中刊于建安郡齋者，但傳本加時于月，如正月前，離傳于經，則將增其本文，傳云：言始發也。傳不以傳繫經，則傳中又增正月啟蟄四字，傳沈本以經繫傳，又多脫字，如鹿人從者從軍也，王始喪者何也，之上必經文，關澮本往往錯簡，正之，王應麟玉海所載經文，亦有脫誤，時有養夜脫夜字，織女正北鄉，則旦脫則旦納卯字，其他若朱文公儀禮集傳本，金履詳通鑑前編本，皆在傳本，韓本之後，亦無殊異。近世有五禮通考，盧氏見曾，畢氏沅刊本，而莊大令述祖于此學尤深，爲夏小正說義及音義以示子，其以突穴取爲昆小蟲抵蜺傳文，及長股也在蜮也者之下，尤服其精當，惟所更經文，禪爲菡，卯爲民，不敢從耳。因合諸家

異文。校刊此本。升經抵格。以傳低行。不增不漏。叅求其是。以貽學者焉。昔漢魏相數表易陰陽明堂月令奏之。李尋對。諸侍中尙書近臣宜通知月令之意。夫享帝于郊。而風雨節。寒暑時。古人臣必通明堂陰陽。故能調和時政。後魏孝武釋奠國學。詔中書舍人盧景直講大戴禮夏小正篇。然徒誦其文。而不行其政。豈得謂通夏正者哉。漢藝文志五行家有陰陽五行時令十九卷。若此書有專本行世。又以禮記月令合呂不韋淮南王書校讎異文異義。蒐輯鄭康成高誘蔡邕諸家之注。并此書勒成一編。非獨學者循誦。爲政者將有取焉。是則予書之不空作也。嘉慶三年青龍在戊午斗初昏建丁之節。序于竟郡分巡使者署中。陽湖孫星衍撰。



夏小正傳卷上

清 孫星衍校

正月啓蟄。

言始發蟄也。

鴈北鄉。

先言鴈而後言鄉者何也。見鴈而後數其鄉也。鄉者何也。鄉其居也。鴈以北方爲居。何以謂之爲居。崧傳
鴈字無生且長焉爾。九月遡鴈。先言遡而作舊注一後言鴈何也。傳本無見遡而後數關本之則
鴻鴈也。何不謂之傳本有南鄉也。曰。非其居也。故不謂之傳本有南鄉。記鴻鴈之遡也。傳本無如作而不記
其鄉何也。曰。鴻不必當小正之遡。傳本有者也。今凡傳之本所引大戴集賢本多同。明沈蔡本。
雉震响。關本無

震响。關本無雉震响。雉字無震响三字。沈本無。今從之。也者。作响者。引初學記引鳴也。响也者。作震者。引鼓其翼也。正月必雷。雷不必聞。關
同。惟雉爲必聞之。何以作必。謂之雷。則雉關本無震响。相識以雷。

魚陟負冰。

陟。升也。負冰云者。言解蟄也。

農緯厥耒。

緯束也束其末云爾者用是見君關本作子之亦有末也

初歲祭末始用暢關本作暢為傳本玉海經文俱有之無也字疑

其用集賢本作月關本作同初云爾傳本作其祭也初云爾也者終歲之用祭也集賢本沈本此句在終暢

也者終歲之用祭也絕句言是月之始用之也關本無初者始也或曰祭韭也

圃有韭傳本盧氏見曾本畢氏沅本垂上皆有見字玉海

圃也者集賢本沈本無按傳無釋見字義無者是也玉海

時有俊風關本有者大也大風南風也何大於南風也曰合冰關本作水必於南太平御覽風解冰必於南風生必

俊也字者大也大風南風也何大於南風也曰合冰關本作水必於南太平御覽風解冰必於南風生必

於南風收關本作殺必於南風故大之也

寒日玉海經文滌舊注一凍塗

滌也者變也變而煖也凍塗也傳本有者凍下而澤上多也

田鼠出

田鼠者太平御覽鼠也記時也

農率均田

率者循也均田者始除田也言農夫急除田也

獾獸祭魚。傳本云大戴作獾祭魚以傳考之當作獾獸祭魚集賢本玉海經文及沈本皆無獸字

其必與之獸。傳本作獸非今從傳本何也。曰非其類也。祭也者得多也。善關本其祭而後食之十月豺祭獸謂之祭獾祭魚謂之獸何。舊注一作祭獸一作獸祭按作獸者多不當從沈其類。故謂之獸。沈本作獸今從傳本大之也。

鷹則爲鳩。

鷹也者其殺之時也。鳩也者非其殺之時也。善變而之仁也。故其傳本及太平御覽言之也。曰則傳本盡其辭也。鳩爲鷹變而之不仁也。故不盡其辭也。

農及雪澤。

言雪澤之無高下也。

初服于公田。

古有公田焉者。古言先服公田而後服其田也。

采芸。

爲廟采也。

鞠則見。

傳本有者何也。星名也。鞠關本無則見者。傳本歲再見爾。

初昏參中。

蓋記時也云。

斗柄傳引舊注一作斗柄承上云字作傳文縣在下有則旦非

言斗柄者所以著參之中也。

柳梯傳本作梯云文選注引沈本亦作梯

梯也者關本作梯一者字發乎也。

梅杏作關本桃則華。

地桃山桃也。

緹縞。

縞集賢本沈本脫此字也者莎隨也傳本作縞也者其實也先言緹而後言縞者傳本無此字何也縞本

縞作縞先見者也何以謂之小正傳本有著名也言書名小正者正名不遺小物若縞是縞色先見色而

雞桴粥。

粥關本無此也者相粥之時也或曰桴桴軀伏也粥養也。

二月往繹黍關本作柔。

禪。

禪傳本脫此字也。

初俊羔助厥母粥。

俊也者大也。粥也者養也。言大羔能食草木而不食其母也。羊羔關本非其子而後養之。善養而記之也。或曰。憂作夏。有養祭。祭也者用羔。是時也。不足喜。作善。樂喜。本。沈本作善。關

牛作羔。羊一本。腹時也。

綏關本多女士。

綏安也。冠子取婦之時也。

丁亥萬用入學。

丁亥者吉日也。萬也者干戚舞也。入學也者大學也。謂今時大采舍也。

祭鮪。

祭不必記。記鮪何也。鮪之至有時。美物也。鮪者魚之關本無先至者也。而其至有時。謹記其時。

榮莖。

榮色。傳本作也。集賢本。玉海經。文。沈本作俱。作色。此釋榮字。

榮繁采。傳本作。由胡。二字。傳本有。由胡。

繁由胡。傳本下。又有。者繁母也。繁萬勃也。方。或與旁聲相近。為。皆豆實也。故記之。

昆小蟲抵蜺。關本自昆小蟲傳脫簡誤列于五月已下承煮梅之下

昆者衆也。由傳本魂斷句魂螺誤也者動動非沈本作也小蟲動也。其先言動而後言蟲者何也。萬物本傳

有至字云大。戴脫沈本無是動而後著抵猶推也蜺、蜋卵也。爲祭醢也。取之則必推之。推之不必必不。沈本作取取必推

來降燕乃睇。

燕乙也。降者下也。言來者何也。莫能見其。關本無始出也。故曰來降。言乃睇何也。睇者眄也。眄者視可

爲室者也。集賢本作也百鳥皆曰巢突穴。取不突穴未詳。莊進士謂當在上昆小蟲傳不言取之下。作與

剝鱗。關本無室何也。摻作操泥而就家人。傳本沈本作入人內也

以爲鼓也。

有鳴倉庚。

倉庚者。關本無商庚也。商庚者長股也。莊進士云商庚下有脫文長股三字當在後文蟻也者之下

榮芸。

時有見。玉海經文無此梯始收。傳本作梯玉海

有見梯而後始收。是小正。集賢本作正其序也。小正之序時也。皆若是也。梯者所爲豆實。傳云關本自下

已脫簡在五月承父言之時何也之後按當云自也
下至豆實今刊本誤也疑關本是不可云脫簡

三月參則伏

伏者非忘傳本亡之時也星無時而不見我有不見之時故曰伏云

攝桑

桑傳本脫而記之急桑也

委傳本作萎苑楊

楊則苑舊注一作范傳本沈本而後記之

羴羊

羊有相還之時其類羴羴舊注一羴然記變爾或曰羴羴也

穀則鳴

穀天螻也

頽冰

頽冰者傳本作分冰以關本有授大夫也

采識

識集賢本也

妾子始蠶。

傳本脫先先字妾而後子何也。曰：事有漸也。言自卑事者始也。傳本有

執養宮事。

執操也。養，長也。

祈麥實。

麥實者。傳本無五穀之先見者，故急祈而記之也。

越有小旱。

越，于也。記是時恒有小旱。

田鼠化為鴽。按傳云：盡其辭者，皆釋則字。經文當作則化。

鴽，鵲也。變而之善，故盡其辭也。鴽為鼠，變而傳本脫之不善，故不盡其辭也。

拂桐芭。

拂也者。傳本無拂也。桐芭之時也。舊注一本或曰：言桐芭始生貌拂拂然也。

鳴鳩。

言始相命也。先鳴而後鳩何也？鳩者，鳴而後知其鳩也。關本自鳩言始相命已下，脫簡在二月傳，承由胡者繁母，傳以大戴正其誤。

四月昴則見。

初昏南門正。

南門者星也。歲再見壹正。蓋大正所取法也。

鳴札。

札者寧縣也。鳴而後知之。故先鳴而後札。

園有見杏。

園者山之燕者也。

鳴蟻。

蟻也者。傳本作鳴蟻也。非。今從沈本。此或曰。屈造之屬也。

王蕒莠。

月令鄭注。王蕒莠。引作秀。取茶。茶字當為茶。說文折竹篋也。

茶也者。以關本無。為君薦蔣也。蔣字當為蔣。說文剖。

莠幽。

越有大旱。

記時爾。

執陟攻駒。

執也者始執駒也。闕本無也字。執駒也者離之去母也。執而升之君也。攻駒也者教之服車數舍之也。

五月參則見。

參也者伐舊注一作牧。沈本星也。故盡其辭也。

浮游傳本玉海經文皆有有殷。

殷衆也。浮游殷之時也。浮游者渠略也。朝生而暮死。稱有何也。有見也。

鳩集賢本關本作鷓鴣。傳云。則鳴。

鳩者百鷓也。鳴者相命也。其不事傳本作辜。之時也。是善之。故盡其辭也。

時有養日。沈本作白。今從傳本。

養長也。一則在本。一則在末。故其記曰時養日。集賢本作曰。沈今從傳本。之也。舊注作其記曰。

乃瓜。舊注一作乃衣。瓜。傳本作乃衣。

瓜者急初學記。白帖。引作。瓜之辭也。瓜也者始食瓜也。舊注一作乃衣。瓜。乃衣者急。

良蜩鳴。

良蜩也者五采具。

匱之興五日翕望乃伏。

其不言生而稱興何也。不知其生之時。故曰興。以其興也。故言之興五日翕也。望也者月之望也。而伏。

云者。不知其死也。故謂之伏。五日也者。十五日也。翕也者。合也。伏也者。入集賢本而不見也。跟本無字

啓灌藍蓼。

啓者別也。陶而疏之也。灌者傳本作聚生者也。記時也。

鳩爲鷹。

唐蝮鳴。

唐蝮鳴者。戛也。

初昏大火中種黍菽糜。傳云。或曰。種黍菽糜。以心中爲節。傳因大火中而及之。非小正文。玉海經文。亦有是本文。糜則靡省文。

大火者心也。心中種黍菽糜時也。

煮梅。

爲豆實也。

蓄蘭。太平御覽引作蒲。

爲沐浴也。菽糜以在經中。傳本作以在經中。又言之時何也。是食短閔。傳本作此。沈本作短閔。而記之。進

士云。當作是食短閔。而記之。故連而及之也。按此文言菽糜爲本文。宋本皆無是經文。
頒馬。此下疑有將開諸則經。無。

分夫傳本作大夫。集賢本、沈本無大。鄉今從傳本。之駒也。將閒諸則。或取離駒納之。則法也。關本自

下止此脫簡在三月。拂拂然也。鳴之後。

六月初昏斗柄關本曰注。正在上。

五月大火中。六月斗柄正在上。傳本無字。此見斗柄之不在當心也。蓋當依依尾也。

養桃。

桃也者。柶傳本作桃也。桃也者。山桃也。養以爲豆實也。

鷹始摯。

始摯傳本作擊。而言之何也。諱殺沈本作煞。之辭也。故言傳本有字。摯云。

夏小正傳卷下

七月莠藿葦。

未莠則不爲藿葦。莠然後爲藿葦。故先言莠。

傳本捫作狸子肇肆。

肇始也。傳本作狸肆遂也。言其始遂也。其或曰肆殺也。

湟潦生苹。

湟下處也。傳本此上云湟潦生苹

有湟然後有潦。舊注一

有潦而後傳本四字有苹。集賢本草也。

爽死。

爽也者猶疏也。

苹莠。

苹也者有傳本無馬帚也。

漢案戶。北堂書抄引在七

漢也。傳本作漢天也案戶也者直戶也。言正南舊注或作爲北也

寒蟬鳴。

蟬傳本作也者蜺螻也。

初昏織女正東鄉。

時有霖雨。

灌荼。

灌、聚也。荼、藿葦之莠也。傳本有為蔣楮之也。藿未秀為蒹。葦未秀傳本作莠為蘆。

斗柄縣玉海經在下則旦。

八月剝瓜。

畜瓜之時也。傳本此上有剝瓜也者

元校。

集賢本也者黑也。校也者若綠傳本色然。婦人未嫁者衣之。

剝棗。

剝也者取也。

栗傳本作棗同。集賢本作栗疑非。零。

零也者降也。傳本無零而後取之。故不言剝也。

丹鳥羞白鳥。月令鄭注

丹鳥者謂丹良也。白鳥者傳本無謂蚊傳本無蚋也。其謂之鳥何。沈本無也。重其養者也。有翼者爲鳥。差也者進也。關本無不盡食也。

辰則伏。

辰也。傳本有謂心也。伏集賢本也者入而不見也。

鹿人從。集賢本

鹿人從。集賢本鹿人從。此三字。沈本脫。者從羣也。鹿之養也。離羣。集賢本而善而此。傳本無之。離而生。非所知時也。故記

從不記離。君子之居幽也不言。或曰人。傳本有人從也者。大者於外。小者傳本有於內。率之也。

駕爲鼠。

參中則旦。

九月內火。

內火也者大火。大火也者心也。

還鴻鴈。

還往也。

主夫出火。

主夫也者。主以時縱火也。

陟元鳥蟄。

陟升作關本也元鳥者鷺傳本燕也先言陟而後言蟄何也。陟而後蟄也。

熊羆豹貉傳本如沈玉海經文鼪鼯則穴各本鼪鼯作大今從國雅注訂正

若蟄而言獸之穴若蟄如也玉

榮鞠樹麥玉海經文有鞠榮而植麥傳本作樹麥云或

鞠草也。鞠榮而樹麥時之急也。

王始裘。

王始裘沈本無此三字者何也。衣裘之時也。

辰繫于日傳本玉海本俱不為經文莊進士以月令季秋

雀入於海為蛤。

蓋有矣。非常入也。

十月豺祭獸。

善其祭而後食之也。

初昏南門見集賢本脫見字

南門者星名也。及此再見矣。

黑鳥關本作鳥浴。

黑鳥浴沈本脫三字者何也。傳本作黑鳥者何也。鳥浴也者。飛乍高乍下也。

時有養夜。經傳本有夜字。玉海

養者長也。集賢本沈本作時有養者長也。蓋時有爲經文脫養夜二字。傳文不脫。今從之。闕本作時有養夜者養長也。若日之長也。

元玉海經文沈本有此字。傳本作云字。雉入於淮爲蜃。

蜃者蒲盧沈本作蘆也。

織女正北鄉則旦。

織女星名也。

十有集賢本無此字。一月王狩。

狩傳本作非者言王之時田冬獵爲狩。

陳筋沈本作助革。

陳筋革者省兵甲也。

畜人不從。玉海經文有萬物不通四字。傳本作傳。

不從者弗行於時月也。萬物不通。

隕麋角。

或說文從今如誤也。芭，當爲葩。蟻，說文短狐，蓋亦作蟻。以茶，當爲艸。傳文折竹，昆也。隸書多寫幽，疑。蔓，假音字。詩
 浮游爲虬，蟬通游作蟬。俗字，說文以渠畧也。鳩，當爲鳩。寧，鳩說文百勞也。以菽，俗作菽。糜，說文爲糜。稌，字也。以間，此借字。閑
 擊，說文握持字。今假音也。以舊，當爲舊。雀，說文。菴，辰，說文。田，時者。此省文。爲捭，誤。說文。狸，伏獸。似狸。肇，說文。開也。此
 假音。湟，說文。漢積水池。萃，根浮水而生。萃，莠也。以此爲辨。馬，帶。灌，茶。蘊，藏。皆卽此。爾雅。其萌，貆，無貆字。是古
 作狍。如狼。善驅羊。韻會。貉，集賢本。作貉。以此爲貉。字誤。說。註。古無此字。今從郭。鞠，說文。作鞠。駒，皆借字。蚰，
 同貉。今從傳。本作貉。貉，文作貉。以貉爲貉。字誤。說。註。古無此字。今從郭。鞠，說文。作鞠。駒，皆借字。蚰，

夏小正爲三代時古文。秦漢已來，變篆爲隸，遂多誤字，非其本書然也。字有假借，有省文，有俗字，有不知所從之字，假借者，此書若肩爲啓，雁爲鴈，味爲鞠，桴爲孚，董爲董，識爲職，案爲茶，萋爲幽，鵠爲鵠，麋爲麋，某爲梅，閒爲閑，鷺爲摯，萑爲萑，肇爲肇，潢爲潢，莽爲莽，貉爲貉，鞠爲鞠，是也。凡若此類，所借之字，亦出古文，不必改用本字，以失古人假借之義。如字皆用本義，則六書去假借而五也。省文者，若鷹爲芭，農爲辰，是也。凡若此類，隸取其捷，或省于篆，既是正書，不必加增。如其作篆，則增成之。俗書者，若雉爲响，涂爲塗，杙爲杙，樓爲樓，蘇爲蘇，蠶爲蠶，鷺爲鷺，未爲菽，游爲游，狸爲狸，又爲狸，狃爲狃，凡若此類，古無此文，傳寫之誤。既有依据，必宜改正者也。若隹，及關本綏作綏，集賢本貉作貉，則不知所從，或以隹卽說文羗字，據說文羗次羗後，爲羊相羗，集韻以爲病疫，似非隹義。隹則飛生加鼠旁耳。爾雅注鼫鼫作鼫，鼫亦知古本不作鼫也。綏與貉蓋誤字。大氏文字之誤，始于正書，正書或變自草書，或變自隸書，漸失古篆之體。如欲考証經義，必求篆法，乃可讀三代時古書。今以篆正夏小正。

之文而不正戴氏之傳者。漢時隸書盛行。戴傳本用今文。不必合之于古也。故寫石經以三體二體。其篆書必依古字。不可用隸法爲之前代。或不能盡合。以俟能者。

夏小正傳崧卿本

正月啓蟄。鴈北鄉。雉震响。關本脫响字魚陟負冰。農緯厥耒。初歲祭耒始用暢。關本作暢。舊注音暢。案暢不生也。暢訓達。作暢爲是。囿有

見韭。時有俊風。寒日滌凍塗。田鼠出。農率均田。獺獸祭魚。戴禮作獺祭魚。以傳考之。當作獺祭魚。應則爲鳩。農及雪澤。初服

于公田。采芸。鞠則見。初昏參中。斗柄縣在下。則旦。柳穉。梅杏棗桃。則華。關本拖作拖。非是。拖音移。木名也。緹縞。雞桴粥。舊

注音育

二月往蠶。黍關本黍作黍。禪。初俊羔助厥母粥。綏多女士。關本作綏。丁亥萬用入學。祭鮪。榮董榮蘩。昆小蟲抵蜥。來

降。關本自昆小蟲傳脫簡誤列燕乃睇。剝鰾。大戴鰾作鰾。有鳴倉庚。榮芸。時有見穉始收。

三月參則伏。攝桑。萎揚。舊注萎一作苑。羴羊。蜚則鳴。頒冰。采讖。妾子始蠶。執養宮事。祈麥實。越有小旱。田鼠化爲

鴛。拂桐芭。鳴鳩。

四月昴則見。初昏南門正。鳴札。囿有見杏。鳴蜮。王荳莠。取荼。莠幽。越有大旱。執陟攻駒。

五月參則見。浮游有殷。鳩則鳴。時有養日。乃衣瓜。舊注一作瓜。良蜩鳴。偃之興。五日翕望。乃伏。啓灌藍蓼。鳩

爲鷹。唐蜩鳴。初昏大火中。種黍。菽糜。或曰種黍菽糜。以心中爲節。傳。煮梅。蓄蘭。頒馬。

六月初昏斗柄關本曰注柄一作柄。正在上。煮桃。鷹始蟄。

七月莠藿葦。狸子肇肆。湟潦生萃。爽死。萃莠。爾雅。萃。藿。又曰。莠。莠。其大者藿。又曰。莠。馬。漢案。戶。寒蟬鳴。

初昏織女正東鄉。時有霖雨。灌荼。斗柄縣在下則旦。

八月剝瓜。元校。剝棗。稟零。大戴禮。稟。作。栗。丹。鳥。羞。白。鳥。辰。則。伏。鹿。人。從。駕。爲。鼠。參。中。則。旦。

九月內火。遭鴻鴈。主夫出火。夫。當。作。同。陟元鳥蟄。熊鰭。豹貉。鼪鼯。則穴。大戴禮。貉。作。貉。穴。則。大。榮鞠樹麥。或曰。樹。麥。傳。文。王。始。

裘雀入于海爲蛤。

十月豺祭獸。初昏南門見。黑鳥浴。時有養夜。雉入于澤爲蜃。織女正北鄉則旦。

十有一月王狩。陳筋革。嗇人不從。隕麋角。

十有二月鳴弋。元駒賁。納卵蒜。虞人入梁。隕麋角。月。令。仲。冬。麋。角。解。與。小。正。十。一。月。記。隕。麋。角。合。蓋。衍。文。戴。氏。因。誤。爲。之。傳。失。之。矣。

崧卿少時讀禮記。著孔子得夏時於杞。鄭氏注曰。夏四時之書也。其存者有小正。而鄭注月令引小正者。

八。如。注。孟。春。東。風。解。凍。蟄。始。振。魚。上。冰。云。夏。小。正。正。月。啟。蟄。魚。陟。負。冰。注。田。事。既。飭。先。定。準。直。農。乃。不。惑。云。夏。小。正。農。率。均。田。注。仲。春。上。丁。命。樂。正。習。舞。釋。菜。云。夏。小。正。曰。丁。亥。萬。用。入。學。注。季。春。后。妃。齋。戒。

親。東。鄉。躬。桑。禁。婦。女。毋。觀。者。婦。使。以。勸。蠶。事。云。夏。小。正。曰。五。月。啟。蠶。藍。藝。注。季。夏。鷹。乃。學。習。云。夏。小。正。曰。六。月。鷹。始。擊。

王。養。秀。注。仲。夏。令。民。毋。艾。藍。以。染。云。夏。小。正。曰。五。月。啟。蠶。藍。藝。注。季。夏。鷹。乃。學。習。云。夏。小。正。曰。六。月。鷹。始。擊。

注。仲。秋。羣。鳥。養。羞。云。夏。小。正。曰。九。月。丹。鳥。羞。白。鳥。說。曰。丹。鳥。也。者。謂。丹。良。也。白。鳥。也。者。謂。白。也。其。謂。之。鳥。者。重。其。養。者。也。有。翼。爲。鳥。養。也。者。不。盡。食。也。凡。引。夏。小。正。以。注。月。令。者。八。大太氏約嚴。

不類秦。漢以來文章。信其爲有夏氏之遺書。顧欲睹其全未之得。政和中。閱外兄關澹藏書。始得而讀之。

星昏旦。伏見中正當鄉。若寒暑日風。冰雪雨旱之節。草木稊莠之候。羽毛鱗蠃蠕動之屬。蟄興粥伏。鄉遷陟降。離隕鳴响之應。罔不具紀。而王政民事繁焉。蓋夏之月令也。志時之有是物。往往以見言之。豈謂據

人所見者。辭固當爾邪。關本合傳爲一卷。而不著作傳人名氏。案漢唐藝文志不載。惟隋志有其目曰。夏小正一卷。戴德撰。疑澮所藏卽此書。後讀孔穎達禮記正義。其疏月令注曰。夏小正大戴禮之篇名也。因求集賢所藏大戴禮版本。參校信然。漢唐志旣錄戴氏禮矣。此書宜不別見。抑不知取戴禮爲此書。自何代始。意者隋重賞以求逸書。進書者務多以微賞帛。故離析篇目而爲此乎。有司受之。旣不加辨。而作志者亦不復考。且小正夏書。德所撰傳爾。而隋志云然。可謂疏矣。德西漢梁人。與聖俱受禮后蒼號大戴。嘗爲信都太傅。而集賢大戴禮其前乃云。漢九江太守戴德撰。以儒林傳考之。爲九江太守者。聖也。書藏集賢蓋久。率無有正其訛謬者。使世亡漢史。而大戴禮獨傳。後人詎復有知德爲信都太傅者歟。繇是知前代書因陋承訛。流傳及今。不可復辨者。蓋多矣。豈特是書也哉。關本戴禮皆以夏小正文錯諸傳中。渾渾之書。雜以漢儒文辭。醇駁弗類。且所訓疑有失本指者。乃倣左氏春秋列正文。其前而附以傳曰。爲一篇。凡十有二篇。釐爲四卷。名曰夏小正戴氏傳。關本簡編失倫。悉以大戴禮是正。兩書互有得失。或字衍脫不同。則擇其善者從之。仍注其下。而闕其可疑者。大戴禮無注釋。關本注釋二十三處。懼與今注相糅。則云舊注別之。來者宜詳焉。宣和辛丑九月一日山陰傅嶽卿序。

夏小正經文玉海本

正月啓蟄。鴈北鄉。雉震响。魚陟負冰。農緯厥耒。初歲祭耒。囿有韭。時有俊風。滌凍塗。田鼠出。農率均田。蠶祭魚。鷹則爲鳩。農及雪澤。初服于公田。采芸。鞠則見。初昏參中。斗柄垂在下。柳梯文選注引梅杏。柰桃則華。緹

縞雞桴粥。

二月往耒耜禪。初俊羔助厥母粥。綏多女士。丁亥萬用入學。祭鮪。榮堇菜色。菜繫由胡。昆小蟲抵蝼。來降燕乃睇。剝鰾有鳴倉庚。榮芸梯始收。

三月參則伏。攝桑委揚。犂羊。鼓則鳴。頒冰。采識。草也。妾子始蠶。執養宮事。祈麥實。越有小旱。田鼠化為鴽。拂桐芭鳴鳩。

四月昴則見。初昏南門正。鳴札。囿有見杏。鳴蜮。王薳莠。詩七月箋引之。取荼。越有大旱。執陟攻駒。

五月參則見。浮游有殷。鳩則鳴。時有養日。乃瓜。良蜩鳴。偃之興。五日翕。望乃伏。啓灌藍蓼。鳩爲鷹。唐蜩鳴。初昏大火中。種黍菽糜。煮梅蓄蘭。頒馬。

六月初昏。斗柄正在上。煮桃。鷹始摯。

七月莠藿葦。狸子肇肆。湟潦生苹。爽死。苹莠。漢案戶。寒蟬鳴。初昏織女正東鄉。文選注引之。時有霖雨。灌荼。斗

柄垂在下則旦。

八月剝瓜。元校。剝棗。粟零。丹鳥羞白鳥。蚊蚋。辰則伏。鹿人從。駕爲鼠。參中則旦。

九月內火。遷鴻鴈。主夫出火。陟元鳥蟄。熊羆貉貉。鼫鼯則大。若蟄而榮。鞠鞠榮而植麥。王始裘。雀入于海爲蛤。

十月豺祭獸。初昏南門見。黑鳥洛。時有養。元雉入于淮爲蜃。織女正北鄉。

十有一月王狩。陳筋革。嗇人不從。萬物不通。隕麋角。
十有二月鳴弋。元駒賁也。蠃納蒜。虞人入梁。隕麋角。

十有一月王狩。陳筋革。嗇人不從。萬物不通。隕麋角。十有二月鳴弋。元駒賁也。納蒜。虞人入梁。隕麋角。

